

HARVARD COLLEGE LIBRARY
FROM THE
HARVARD-YENCHING
INSTITUTE
JUL 8 1929

52

~~Ch L 3154.0.82~~
3

ChL 3153.7316.82

勅脩陝西通志

第五十二卷

名宦三

勅使

牧守

監司

陝西通志第五十二卷

名宦三 勅使 監司 牧守

勅使

漢

趙過為搜粟都尉過能為代田一畝三畝歲代處故曰代田其耕耘

下種田器皆有便巧率十二夫為田一井一屋故晦五頃用耦犁

二牛三人一歲之收常過縵田畝一斛以上善者倍之過使教田

太常三輔大農置工巧奴與從事為作田器三千石遣令長三老

力田及里父老善田者受田器學耕種養苗狀民或苦少牛亡以

趨澤故平都令光教過以人輓犁過奏光以為丞教民相與庸輓

犁率多人者田日三十畝少者十三畝以故田多墾闢過試以離

宮卒田其宮墻地課得穀皆多其旁田畝一斛以上令命家田三



輔公田是後三輔太常民皆便代田用力少而得穀多漢書食貨志

汜勝之成帝時為議郎劉向別錄使教田三輔有好田者師之徙為

御史漢書藝文志

來歙字君叔南陽人建武五年拜中郎將八年春與征虜將軍祭遵

襲畧陽因保其城隗囂盡銳攻之帝大發關東兵自將上隴囂眾

潰圍解於是置酒高會勞賜歙班坐絕席在諸將之右詔使留屯

長安悉監護諸將後漢書本傳

北周

薛善字仲良汾陰人太祖欲廣置屯田以供軍費除司農少卿領同

州夏陽二十七屯監又於夏陽諸山置鐵冶復令善為冶監每月

役八千人營造軍器善親自督課兼加慰撫甲兵精利而皆忘其

勞苦焉論功賜爵龍門縣子周書本傳

郭榮字長榮太原人周宇文護引為親信以功授大都督護以稽胡

數為寇亂使榮綏集之榮於上郡延安築周昌弘信廣安招遠咸

寧等五城以遏其要路稽胡由是不能為寇隋書本傳

隋

崔仲方字不齊博陵人少有文武才畧隋文帝受禪進位上開府授

司農少卿令發丁三萬於朔方靈武築長城東至黃河西拒綏州

南至勃出嶺綿歷七百里明年復令仲方發丁十萬於朔方已東

緣邊險要築數十城以遏寇北史崔挺傳開皇三年奉令築直羅城又

嘗開渠溉田人皆德之舊志

唐

狄仁傑字懷英并州太原人高宗授侍御史使岐州亡卒數百剽行

入道不通官捕繫盜黨窮訊餘曹紛紛不能制仁傑乃明開首原

格出繫者稟而縱之使相曉皆自縛歸帝嘆其達權宜唐書本傳

宋

王公字聖源大名館陶人中進士第遷監察御史天聖五年安撫關

陝減諸縣秋稅十二三宋史本傳

王堯臣字伯庸應天虞城人陝西用兵為體量安撫使將行請曰故

事使者所至稱詔存問官吏將校而不及於民自元昊反三年於

今為甚請以詔勞來仍諭以賊平蠲租賦二年仁宗從之使還上

言陝西兵二十萬分屯四路然可使戰者止十萬敵眾入寇常數

倍官軍彼以十戰一我以一戰十故三至三勝由眾寡不侔也涇

原近賊最當要害請益團土兵以二萬屯渭州為鎮戎山外之援

萬人屯涇州為原渭聲勢二萬屯環慶萬人屯秦州以制其衝突

又論延州鎮戎軍渭州山外三敗之由皆為賊先據勝地誘我將

帥不能據險擊歸而多倍道趨利遂致掩覆願勅邊吏度遠近立

營砦量敵奮擊毋輕出時韓琦徙秦州范仲淹降耀州堯臣言二

人不當置散地又薦种世衡狄青有將帥才明年再安撫涇原又

請徹潼關樓櫓皆報可宋史本傳

金

蘓保衡字宗尹雲中天成人僕散忠義伐宋保衡行戶部於關中兼

糾察許以便宜黜守令不法者十餘人邠守傅慎微忤用事者被

讒搆下獄且死保衡力救之得免金史本傳

馮璧字叔獻正定人承安二年進士四年調鄜州錄事明年伐蜀行

部檄充軍前檢察帥府以書檄委之及還遷一官貞祐三年改大

理丞與臺官行關中劾奏姦賊之尤者商州防禦使宗室重福等

十數人權貴側目四年遷刑部郎中關中旱詔璧審理冤獄時河

中帥阿虎帶以棄城罪當死繫同州獄待報壁曰河中重地朝議擬為駐蹕之所以彼宗室勲貴故使鎮之一旦有警遽焚蕩而去此而不誅三尺法無用矣竟以無寬上之金史本傳

元

別吉連上都宜興人至大四年陝西延安諸翼衛探馬赤爭草地訟者二百餘起命往突之悉正其罪元史拔都兒傳

明

王彰字文明鄭州人洪武未領鄉薦永樂五年擢禮部右侍郎遷戶部陝西疫遣祀華嶽還奏陝西民鬻賣男女以償逋租甚可憫念詔悉蠲逋官給楮幣贖所鬻人名山藏

羅汝敬吉水人宣宗即位進工部侍郎命理陝西屯田劾貪暴守將經度占田均與細民立輓運法置河渠吏名山藏。按江西林志汝敬名肅與此不同考

登科錄永樂甲申進士有羅汝敬蓋以字行也

王佐海豐人宣德初為戶部右侍郎經理陝西糧儲疏言軍衛倉弊百端請改隸有司天下稱便名山藏

尹旻字同仁山東歷城人正統戊辰進士擢通政司左叅議天順辛巳王師有事於陝西旻出總軍餉有白金綵幣之賜懷麓堂集時阿羅入寇延綏旻奏敵退河開軍馬衆多供輸困極乞罷兵以息民從之馬志

李衍隆慶州人景泰辛未進士為戶部右侍郎轉左成化二十一年奉勅總督三邊軍儲兼賑饑民齋心禱雨所至響應又引渭水為渠以利居人全活甚衆名山藏

朱瑄字廷璧鄆人成化己丑進士兵部郎中陝饑專勅往賑宥出輕盜給與穀種牛具勸課流民所活六十餘萬名山藏

顏願壽湖廣人以大理少卿委查延慶諸務時劉瑾立法查糧各邊
衛屯田欲有增益及查軍欲三丁抽一為正軍又以官銀散給軍
民每四錢責運邊糧一石每二分五釐責納邊草一束賦重法嚴
人不堪命願壽不肯阿徇一切以寬大處之忤瑾意取回送者扳
轅不及咸望車塵拜祝賈志

李如圭澧州人弘治己未進士累遷右僉都御史奉命賑延綏疏荒
政十餘便宜行之存活數萬人湖廣通志

蔡國熙永年人嘉靖乙未進士明代自嘉靖間設榆林戶部郎中總
理延寧糧儲後因延綏糧多奏屬延綏國熙初任邊儲冒漏詭詐
百端國熙隨事清刷夙弊悉蠲兵民歡洽又以其暇創立書院會
合生徒研窮理學接引後進加以藻鑿一時士類濟濟○張我繩
邯鄲人鄉進士以戶部郎司餉延寧適歲大稔我繩多方處給惠

洛三軍去後建祠迄今尸祝不衰延綏鎮志金煉山東武定人進士

延綏糧儲事時軍饑苦不給煉力請度支嚴檄郡國飛輓膏至於

以時賈志○按農曹督餉自國熙始專

賢康字可發萬安人嘉靖進士隆慶三年擢御史出覈陝西四鎮兵

食斥將吏隱占卒數萬人歸伍明史

鮑道明字行之南直歙縣人嘉靖戊戌進士給事中會御史奏延綏

失事巡撫都御史以捷聞命以兵科給事中蒞視之徧閱敵出入

並人畜多寡按軍府部署方畧較諸將程期論罪輕重覆首功虛

實策賑濟防禦諸便宜議上報可聞者謂千鈞一發賈志

牛惟炳字承庵曲周人萬曆甲戌進士選給事中陝西荒旱惟炳以

封王入境見餓殍枕藉即馳疏請賑發銀五十萬差官賑濟幾輔志

陳良知山東莒州人舉人任延寧糧儲郎中釐剔侵牟以時給放清

苦恬淡稱一時廉吏賈志

顧言江陰人萬曆壬辰進士以戶部郎督延寧糧儲往時以縣官不給大司農每發金錢不能如額如期以致師不宿飽言獨力請之司農雅重言輒如其請額盈期早軍皆果腹言性廉明出納之聚吏不敢緣以為奸時進青衿士講解經術學者仰若山斗以憂去

延寧府志

家祿黃岡人舉人戶部員外郎榆林督餉逆闖臨城家祿拊循士卒分調芻糧乘騎下城聞賊入即拔一卒小刀自刎未殊眾扶上馬或來告曰賊已有約降者不死家祿于馬上唾之曰吾丈夫也豈降賊者耶更策馬至上帝廟前索所佩刀刎死延綏鎮志按勅使雖無專寄然勞動克著地方實受其福明大理少卿永興曹璠御史金華章聰又皆以參贊軍務至延綏運民賴之亦

一時之選也

監司

五代

馬全節字大雅大名元城人歷金州防禦使廢帝時蜀人攻金州州兵絕食全節散家財與士卒堅守蜀人去五代史本傳

張暉幽州大城人宋初遷華州團練使在郡有治心延隆二年朝儀儀獨遷鳳州團練使兼緣邊巡檢壕砦橋道使暉盡得山川險要密疏陳之太祖大悅乾德二年大軍西下暉督兵開大散關路撫士卒且役且戰人忘其勞宋史本傳

鄭文寶字仲賢福建寧化人授陝西轉運副使許便宜從事會誘豪民出粟三萬斛活饑民八萬六千口累徙河東轉運使會

遷圍麟州令乘傳晨夜赴之圍解復任陝西轉運使

宋史本傳

王承美豐州人開寶二年授豐州牙內指揮使改豐州刺史太平興

國七年與契丹戰斬獲以萬計擒其節度使韋太以獻明年契丹

來寇又擊敗其衆萬餘追北至青冢百餘里斬獲益衆以功授本

州團練使淳化二年來朝令歸所部控子河以自是諸蕃歲修貢

禮頗效忠順景德初遷本州防禦使初承美內屬給奉同蕃官例

至是特詔月增五萬尋請於州城置孔子廟詔可之初承美養其

長孫文玉為子及卒其本族首領上言文玉曉達軍政請令襲任

下蕃漢議議同以為知州事

宋史本傳

王禹偁字元之濟州人進士太宗時謫商州團練副使惟種蔬自給

賈志

薛顏字彥回河中萬泉人遷河東轉運使徙陝西河中浮橋歲為

所敗顏即北岸醜上流為支渠以殺水怒因取渠水溉其旁田民

頗利之坊州募人鍊礬歲久課益重至有破產不能償者顏奏罷

坊礬則晉礬當大售後如其策仁宗即位知耀州部有豪姓李甲

結客數十人號沒命社少不如意則推一人以死鬪之積年為鄉

人患莫敢發顏至大索其黨會赦免特杖甲流海上餘悉籍於軍

宋史本傳

曹儀字晉臣以祖彬蔭補右班殿直累擢至耀州觀察使初儀知邠

州有告弓箭手都校李文宸將叛者朝廷命儀察之文宸習知蕃

漢事邊人多畏伏其後帥府以為腹心李父瑋在邠亦所委用儀

明其不反益信任之邊人莫不感悅

隆平集

包拯廬州人除陝西轉運使奏罷斜谷務造船材木十萬及罷七州

河椿竹索十萬

隆平集

明鎬字化基密州安邱人中進士第知同州未逾月會元昊寇延州起為陝西轉運使虜破金明若既去議修復其城帥臣擁兵不即

進鎬以百餘騎自督將士一月而成又常閱同州宿軍得材武者

三百餘人教以強弩奏為清邊軍號最驍悍其後陝西河東頗仿

置之鎬所至安靜有體而遇事不苟為世所推重

宋史本傳

張存字誠之冀州人舉進士為陝西轉運使黃德和之誣劉平也存

奏言平與敵接戰自旦至暮殺傷相當因德和引卻以致潰敗延

州孤壘非平解圍其城必不守身既陷沒而又為讒狡所困邊臣

自此無復死節矣朝廷始遣文彥博按治由是平得直而德和誅

宋史本傳

范祥字晉公邠州三水人進士及第自乾州推官稍遷殿中丞歷知

華州提舉陝西銀銅坑冶鑄錢祥曉達財利建議變鹽法後人不

敢易稍加損益人輒不便提點本路刑獄累遷提舉陝西銀邊寺

白鹽改制置解鹽使卒嘉祐中包拯言祥通陝西鹽法行之十年

歲減權貨務使緡錢數百萬其勞可錄

宋史本傳

李叅字清臣鄆州須城人歷知興元府陝西轉運使部多戍兵苦食

少叅審訂其闕令民自隱度麥粟之贏先貸以錢俟穀熟還之官

號青苗錢經數年廩有羨糧朝廷患邊費益廣叅建議釐錢邊郡

以平估糴權罷入中法比其去省權貨錢千萬計召為鹽鐵副使

宋史本傳

熊本字伯通鄱陽人慶曆進士河湟初復以本為秦鳳路轉運使奏

省官百四十員減浮費數十萬

東都事畧

蔣之奇字穎叔常州宜興人擢進士第歷陝西副使經賦入以給用

度公私用足比其去庫緡八十餘萬邊粟皆支一年

宋史本傳

陝西通志 卷五十二
杜純字孝錫濮州鄆城人元祐中移陝府西路轉運使入對賜服金紫關隴控邊務繁純計度不勞閱牒訴立判情法皆當吏驚私相

視曰一筆盡矣雞肋集

劉韜字仲偃崇安人第進士調提舉陝西平貨司河湟兵食不謹韜延致酋長出金帛易粟就以餉軍公私便之遂為轉運使夏人來言願納款謝罪皆以為詐韜曰兵興累年中國尚不支况小邦乎彼雖新勝其眾亦疲懼吾再舉故款附以圖自安此情實也密疏以聞詔許之會再請者至韜戒曰朝廷方事討伐吾為汝請無若異時邀歲幣軼疆場以取威怒夏人聽命西邊遂安宋史本傳
郭忠孝字立之河南人登進士第靖康初為永興軍路提點刑獄措置保甲得勝兵三萬金人犯永興與唐重分城而守城陷死之贈

大中大夫宋史本傳

趙開字應祥普州安居人登第指陳權茶買馬五害朝廷是其言擢

進士提舉陝西茶馬事使推行之建炎二年大更茶馬之法比及

四年茶引收息至一百七十餘萬緡買馬踰二萬匹宋史本傳

李繫字清叔崇慶晉原人第進士知興元府安撫利州東路漢中久

饑劍外和糴在州者居多繫嘗匹馬行阡陌間訪求民瘼有老嫗

進曰民所以饑者和糴病之也泣數行下繫感其言奏免之民大

悅梁洋間繪像祠之宋史本傳

陳咸蜀人字逢儒淳熙二年進士第利州路轉運判官吳曦叛臣於金

關外四州繼没人情大駭咸留大安軍督軍糧檄其守楊震仲振

流民備四州盜眾稍安曦既誅安丙奏以咸總蜀賦從之金州地

險咸增饋米以實之人皆曰金州之險金人不可向何益之為咸

曰敵至而慮無及矣未幾金人犯上津守賴以固宋史本傳

安丙字子文廣安人吳曦僭號丙與楊巨源李好義等謀誅之朝廷加丙知興州安撫使飭將士以攻爲守威聲甚著又以沔州都統司權太重請分置副都統詔從之

宋史本傳

陳貫字仲通相州安陽人舉進士擢利州路轉運使歲饑出職田粟賑飢者又帥富民令計口占粟悉發其餘

宋史本傳

高稼字南叔邛州蒲江人嘉定七年進士桂如淵鎮蜀辟通判沔州尋知洋州日夜爲守禦計以洋居平地無一卒以守議移金州帥司軍千人駐洋州李心傳爲言諸朝不報及鳳州破置制司始從稼請調金州兵赴之而兵不時至漢中陷梁洋之民數十萬盡趨安康稼乃移屯黃金渡收散卒招忠義以制置司之命致故將陳昱於安康委以收復之任而自假節制軍馬督諸軍繼進北兵迫大安稼亟命趨沔自至西縣援之如淵遲疑不決俄報若窠七方

之師皆潰稼率遺民集保甲分布間道以保巴山未幾制置使趙彥呐以叅議官辟之制置司近漢中稼言漢中蕩無藩籬宜經理仙人原以爲緩急視師之地彥呐以委稼稼至原繕營壘峙芻糧庀器甲開泉源守禦之規罔不備具會召還彥呐奏留稼知沔州利州提點刑獄兼叅議官乃葺理創殘招集流散民皆襁負來歸北兵自鳳州入遂擣河池至西池谷自白水關入六股株距沔六十里沔無城依山爲阻北兵大至衆皆潰遂下沔州城既陷衆擁稼出戶稼叱之不能止兵騎四集團之遂死焉詔進稼七官爲正議大夫龍圖閣直學士諡曰忠

宋史本傳

金

傅慎微字幾先其先秦州沙溪人後徙建昌慎微遷居長安宋末登進士宗弼取河南地起爲陝西經畧使尋權同節度使事明年陝

西大旱飢死者十七八以慎微為京兆鄜延路經濟使許以便宜
慎微募民入粟得二十餘萬石立養濟院餓者全活甚眾改同
知京兆尹權陝西諸路轉運使復修三白龍首等渠以溉田募民
屯種貸牛及種子以濟之民賴其利金史本傳
僕散揆本名臨喜其先上京人章宗即位升陝西提刑司舉剛直明
斷獄無冤滯禁戢家人百姓莫識其面金史本傳

元商挺字孟卿曹州濟陰人其先本姓殷氏避宋諱改焉楊惟中宣撫
關中挺為郎中兵火之餘八州十二縣戶不滿萬皆驚憂無聊挺
佐惟中進賢良黜貪暴明尊卑出淹滯定規程主簿責印楮幣頒
俸祿務農薄稅通其有無期月民乃安誅一大猾羣吏咸懼且請
減關中常賦之半明年惟中罷廉希憲來代陞挺為宣撫副使丙

辰徵京兆軍需布萬疋米三千石帛三千段械器稱是輸平涼
期俎其郡人大恐挺曰他易集也運米千里妨我蚕麥郡長王
者平涼人也挺召與謀對曰不煩官運僕家有積粟請以代輸
天悅載價與之他輸亦如期世祖即位改宣撫為行中書省挺
僉行省事九年立皇子忙哥刺為安西王立王相府以挺為王
十四年詔王北征挺曰延安民兵數千宜使李忽蘭吉練習之
備不虞未幾禿魯叛以延安兵應敵果獲其力元史本傳
許衡字仲平河內人世祖出王秦中思所以化秦人乃召衡為京
提學秦人新脫於兵欲學無師聞衡來人人莫不喜幸來學
皆建學校民大化之世祖南征乃還懷學者攀留之不得從送之

臨潼而歸

元史本傳

馬亨字大用邢州南和人亨從世祖征雲南留為京兆權課所長

京兆藩邸分地也亨以寬簡治之不事格克凡五年只安而課務

中統元年遷陝西轉運使時阿藍荅兒等叛亨與廉希憲商挺合

謀誅劉太平等悉定關輔尋建行省命亨兼陝西行省左右司郎

中時興元蓄糧五萬石欲轉餉大安軍計備直萬緡眾推亨往特

丁內艱以攝省府事強起之至則以兵官丁產均其役不閱月而

事集無勞民傷財之嘆四年遷陝西五路廉訪都轉運使元史本傳

田季字策卿京兆人至元初為金洋觀察副使應事合程度吏民畏

懷撫慰校卒尤加恩厚馬志

姚燧字端甫洛陽人至元七年為秦王府文學未幾授奉議大夫兼提

舉陝西等路學校十七年除陝西漢中道提刑按察司副使錄囚

延安逮繫註誤皆縱釋之人服其明決元史本傳

楊師文字純甫南陽人至元二十四年遷陝西漢中道巡行勸農

使置義倉教民種藝法改僉陝西漢中道提刑按察司事時更提

刑按察司為肅政廉訪司就僉本道肅政廉訪司事黜奸舉才咸

服其公大德二年入為國子司業七年出為陝西行中書省理問

官決滯獄不少阿狗元史本傳

賽因普花大德間為興元路勸農使夙興視事日宴忘歸祁寒暑雨

不少休暇黜刻薄之吏嚴侵擾之罰德惠淪洽任滿歸民攀轅泣

留為立去思碑賈志

明

陳觀字廷賓莆田人明初舉遺逸擢陝西叅政陝產金歸時兒孫從

容間金礦何狀觀驚曰吾待罪藩僚幸無遺汝曹戍籍足矣况金

是問哉及卒妻子貧甚福建通志

吳印孟縣人為鐘山寺僧太祖奇之為蓄髮授室以為山東布政使

之徒陝西名山印才識卓異旬宣稱之後久任不還子孫因家焉

馬志○按印初任山東布政馬志謂印以寺僧即補陝西布政誤

師達字九達山東東阿人自國子生擢御史陞陝西按察使旬日間

決淹獄千餘人以丁憂去官名山

王英江南崑山人貢生任監察御史陞陝西按察使以簡靜為治不

事苛察賈志

吳福浙江鄞縣人進士歷官禮部員外郎陞叅政先是寧夏鹽池禁

嚴民有一斗粟易鹽三兩者福奏許民納鹽課官為量給民甚蒙

焉漢中牛山草竊出沒福遣吏詭為樵夫持招檄抵其巢諭以禁

福渠魁與脅從語曰吳公素稱長者必不欺我歸復業者三千人

人馬志

何廣字公遠華亭人以明經累遷陝西按察副使精於律例時變

一成法者當大辟法家因仍凡政令改易輒以附議廣嘆曰若是則

大辟者接踵矣此但為改律令者言也學士解縉聞而善之江南

陳智字孟機湖廣咸寧人永樂丙戌進士擢陝西按察使翦猾理滯

囹圄為空關中饑岷州有造寺之役智疏止之湖廣通志

王暹字景陽進士浙江會稽人歷官陝西按察司副使專督糧餉陞

右布政使綜理繁劇庶務畢舉奉勅勸濟得米一百五十餘萬石

歲用居額賦之一公私賴以交濟丁母憂去任吏民請留遣官邀

諸途奪情復任九載秩滿應遷朝論難其代仍俾守原職以慰陝

民賈志

謝孚字以誠當塗人永樂丙戌進士除御史陞陝西副使所在有聲

中貴有事經咸陽所至望塵迎謁孚獨長揖不少屈不終事而罷

遂致仕歸江南通志

陳正倫江西吉水人永樂進士累遷陝西按察使豪猾斂跡不敢以故智自逞楊文貞最重之稱為畏友西江人物志

劉韶浙江餘姚人進士授陝西左叅政先是陝有逋賦積歲不能輸

有司峻刑督之韶至慨然曰民困故不能輸又峻刑督之耶與其

僚分行郡縣緩期勸誘之民皆感激假貸爭輸恐後陝不產礪砂

而歲有課額窘不能償咸至破家韶奏罷之洪渠水溢為民患韶

設法置堰民賴以安馬志

鄧榮字孟擴江西南城人永樂中進士以薦陞陝西按察使居陝十

年不携家人子弟歲滿當詣京師吏民父老涕泣攀贈名山藏

陳琰江南揚州人任陝西左叅政馬志時秦府有羊三千寄牧民間每

歲徵羔千餘不勝其擾琰至上疏言秦府有軍校牧地宜自牧供

一用不宜擾民朝廷從之雍大記

純名寧以字行江西豐城人永樂進士歷陞陝西右叅政振綱

紀恤民隱調度邊餉覈斷民田皆井然有法西江人物志

年富字大有懷遠人永樂中舉人英宗初陞陝西右叅政薦都指揮

馬麟李榮可屬兵事為陝人上疏乞罷織駝駝之役皆得施行

峻厲敢為人號閻王時三邊士馬衆盛供費浩繁民苦轉輸豪猾

因緣為奸利廷推富總理邊儲富至酌遠近定徵科鈎考出入豪

猾亡所為奸正統九年陞河南右布政名山藏巡歷郡邑察民隱董

奸弊興學勸農尤嫉賊吏雍大記○按世法錄富本姓嚴籍訛為年

湯性方字行素廣東花縣人舉永樂甲午鄉薦正統初阿台朶兒只

伯數為邊患上命兵部尚書王驥行邊以性方才畧可用遷陝西

行軍副使從驥及侍郎柴車僉都羅亨信等禦敵塞外調度有方

每遇功賞必覆驗而後行無冒濫者以親老告歸廣東通志

林時字學敏莆田人永樂進士歷陝西按察僉事寧夏甘涼地寒少布歲發鳳延等府粟以餉卒時奏聽民與卒自相對輸大布一端抵粟一斛中布三端抵二斛至今便之福建通志

尹鏜浙江平鄉人舉人永樂中陞陝西按察副使值關中旱民多流離鏜舉朱文公救荒四政行之民賴全活馬志

韓士奇山西繁峙人任陝西分巡關內道擒逆賊定山等五百餘人誅其渠首五十七人餘脅從者皆釋以薦陞本司副使馬志

鄭埜字孟質宜章人永樂九年進士十六年石州人告變擢陝西按察副使勅埜以便宜會官軍勦滅埜至察告者乃反獄亡命者妄言冀脫死聞上止弗問誅誣者而已宣德四年陝右大饑檄行諸郡縣曰此莫非吾赤子有分土無分民令移粟相賑焉埜久留陝不遷轉刑簡政清陝人甚德之五年以外艱去明史竊本傳 埜端介清

謹其按察陝西也嘗以俸市一絨褐寄父父貽書責埜何處得此

褐者得毋以不義污我乎埜自是益勵清操廉子錄

饒安字用中江南崇仁人永樂進士由庶吉士出為陝西僉事三秦

故艱於水安為開便河十餘里導水至城下民皆德之勢豪占軍

田四千九百餘頃奪以還屯西江人物志

張楷浙江慈谿人永樂甲辰進士宣德間陞陝西按察僉事尋陞副

使同王驥巡邊上安邊十二事多見采用名山藏

莊觀字居正南直歙縣人舉人正統初擢陝右提學僉事秦疆遼澗

觀歲一躬蒞必得實才以故八郡士子爭先奮勵崇向禮教秩滿

例得陞大學士王文時以都憲出鎮關中特奏陞本司副使仍董

學政賈志

白圭字宗玉北直南宮人進士歷陞陝西按察副使舊多滯獄比至

鞠得其情悉斷遣之民有掠官糧為食者有司置之法惻然曰民
饑至此不幸也若拘於法不勝死矣杖而釋之賈志

何自學江西金谿人宣德進士由刑部主事歷陞陝西按察使繫囚
累自學審閱旬日囹圄一空屢任法司洞識大體時論稱之江西志

又物志

梁觀字廷實山東東平人正統鄉魁授御史按陝西尋擢陝西副使
控制要害懷來撫輯民得安業漢中人感德祠之萬姓統譜

許彬字道中山西寧陽人進士天順間左遷陝西叅政彬侃然任事
每於諸司濡忍不前者奮意行之賈志

方殷靖措置嚴密境內寧謐西江人物志
靖字汝寧江西德興人進士授御史轉陝西僉事時值寇亂邊務

能字千之廣東新會人景泰甲戌進士官陝西布政使關陝重地

戎馬十數萬糧餉百需皆取給於藩司能有心計所歷山川阨塞

屯堡要害儲積多寡兵馬強弱無不周知創會計堂出納損益咸
得其當自是備邊休民皆能力也廣東通志

楊璧字應奎當塗人景泰甲戌進士除陝西叅政鑿延安河溉田七
千餘頃毀寶雞尼庵焚內史異術人皆服其持正江南通志

王朝遠名漢以字行江西進賢人景泰進士授御史陞陝西按察副
使尋陞按察使歲饑奏免稅糧及弛茶鹽諸禁民賴全活江西林志

謝綬字維章景泰進士由郎署叅政陝西築堤引流民受其利江西林志
梁璟山西崞縣人天順甲申進士以兵科給事中擢陝西右叅政徧

履所部詢民疾苦察郡縣吏職得牧民體進右布政敷惠勤事在
陝前後十五年民習稱之馬志

胡欽北直慶雲人陝西叅政分守延慶嘗與巡撫馬文升相度險阻

考按遺跡增築馬嶺木鉢等城葫蘆泉石等堡洞為禦敵安民之

計賈志

孫仁字世榮南直貴池人進士初知西安府治行異等遷陝西右叅

政所部涇陽縣舊有洪口堰山高水下不利灌溉仁命鑿山引流

人咸利之尋晉右布政時流民移聚漢中渙無所統都憲原公奉

詔撫安之仁共贊其事加意輯寧後陞右副都御史巡撫寧夏賈志

朱英字時傑柳陽人正統十年進士為陝西叅政成化七年遷左布

政用均徭法民便之名山藏

戴珊字廷珍浮梁人天順八年進士成化中奉勅督南畿學政陞陝

西按察副使仍專督學居職日久待士益親士亦愛慕之名山藏

成化間為陝西按察司副使提學敦本興化凡試士能以文藝占

器識珊所至有聲績而學政尤著關中耆舊至今道之不衰雍大記

謝督學陝西遐陬僻壤未嘗不到修古聖賢祠廟增秩祀典聞民

間節孝事即奏旌其門懷德堂集

婁謙字克讓江西上饒人進士提學副使立教以務本為先時汪

勤事至陝謙絕不與接修復三原正學書院王端毅稱其見道分

明知所當務賈志

羅明宇時昭福建南平人成化丙戌進士陞陝西副使治漢中漢

中多深山茂林為逋逃藪明奏立白河縣安輯之尋以嵩洛竊發

銀礦因誣連平民論死者四十餘人明為辨雪止坐三人遷本省

按察使蓋歲饑人相食明力求拯濟條救荒二十事上之多所施

行賈志
朱漢字景雲高安人成化進士陞陝西副使兵備漢中風裁凜然

奸貪斂手盜賊屏迹民至今懷之歲時報祀西江人物志

張淮湖廣襄城人進士巡按陝西清慎剛介請託不行後陞陝西布政使事稱繁劇而剖決如流馬志淮歷御史巡陝西值歲祲全活甚

一 張金州赤崩灣灌田千餘頃居民稱利襄城志

王雲鳳字應韶山西和順人成化甲辰進士任陝西提學副使馬志設

四科以取士曰求道曰讀書曰學文曰治事士皆興起建書樓於

正學書院廣收書籍藏之以資諸生誦覽取人首名節次文辭斥

遠貪殘之徒進拔中正之士禁止僧道師巫之術其學政嚴厲不

少懈怠士始不堪而終直其法累官都御史雍大記弘治己未冬雲

鳳陞陝西僉事提督學政至則學校肅清三秦風動辛酉陞副使

整飭洮河邊備甲子復改提學關中士子相賀曰王先生復來後

學得依歸於是益自策勵呂涇野集

孫志字良臣蔚州人進士以御史出按陝西風聲凜凜賊吏望風解

綬執政以所親被挫折病其苛察遷陝西按察副使尋轉陝西按

察使發奸摘伏如巡按時禁和買之弊裁省里甲支費三之一民

有水王之謠進左布政使以簡靜為治劉瑾柄國附者瀾倒陝故

鄉土尤所屬意忠獨無饋遺干謁瑾雖啣之卒莫能害及寧夏變

作經畫有素食足而民不勞賈志

劉道立字成已杞縣人進士初授朝邑令有刺客殺人而逃誣及無

辜已成獄矣覆勘疑之忽若有神附耳言曰景陽殺人奈何寬及

他人耶道立遣人密伺果得所謂景陽者一訊立服邑中號為神

明以治行最召拜監察御史時劉瑾虐焰傾中外獨毅然不屈尋

陞陝西僉事以剛正不善俯仰百姓畏愛而當途嫉之累疏乞休

歸賈志宋璉字汝器北直清苑人舉人以御史按關中墨吏皆望風去釋被

劉瑾誣陷者數百人因諫被譴歸後起湖廣僉事調榆林却餘金萬計給軍士榆林人甚戴之賈志

李崑山東高密人進士正德初以按察副使分巡漢中時流寇嘯聚

掠漢中勢焰甚熾崑督兵討之至西鄉僉曰不宜遽進崑曰賊過

河不可當矣乘其半渡擊之親冒矢石至瓦房溝大破之斬首千

餘賊遁去賈志

盛應期字思徵江南吳縣人進士累官陝西左布政鎮守宦官廖鑾

漁奪民財侵盜官帑有司莫敢問應期以法剪其羽翼廖不懌思

中之檄督造絨罽費且巨萬應期按籍知廖前侵費數萬乃持數

以示廖廖惶恐跪謝遂不敢復造時武廟將蹕榆林眾洶洶議加

賦應期持不可請於正賦內以丁糧為差出米銀若干聽准來歲

賦入數民不知勞扈從諸倖氣焰薰炙撫監重臣無敢吐氣應期

獨服整不為請求皆裁以法時司徒李承勛在行間嘆曰承勛

自謂男子乃今知不逮矣上亦亟稱為良佐才後陞右副都御史

巡撫四川賈志

李承勛字立卿湖廣嘉魚人進士歷官陝西布政使敦本務實率以

儉約下和買之令禁無名之役一時弊政盡革賈志

安惟學山西臨汾人進士任陝西左布政使勤厲敏給日無滯事所

在下人不能為奸賈志

何景明字仲默河南信陽人進士授中書舍人陞陝西提學副使教

人先德行道誼條約精密時知府有不受約束者語之曰君子不

以作人為事但與俗吏伍耶其人頓服有同知臨整屋加刑生員

之父生員救之坐以擅入公門罪乃檄而數之曰子救父死且不

避刑以不應罪之耶生員獲免當大比方伯移檄減舊額以節費

張之曰國家求賢本意似不如是竟不從取士於書院日論說六
經書曰緣我漢忘尋本根此末學之弊馬志陝西邊絕胡地緣邊數
里路出塞外舊時提學難之皆調試諸生先生曰如此是棄之矣
竟在試如他縣藍田大旱其山上有泉先生登山投祭文泉中須
臾大雨爾州學地狹旁有王母祠大官家廟州人神其祠先生頌
謂守官俱毀之大官家亦不敢怒陝西屬所試諸生奇者悉取正
學書院親自督教間出俸錢贍所不給關中得人於時為盛竟以
學政勤勞得心疾告歸行李蕭然至家卒向大復行狀
朱應登字升之寶應人舉進士楊一清掌銓政擢陝西提學副使一
清故嘗督學關中創有正學書院以造多士應登拔士之高等者
者作養其中英賢雲集况數百人風教大行人材聿興視一清時

光盛 明史稿 本傳

張禴北直平谷人正德七年由進士任潼關兵憲時值李午之亂禴

率兵勦賊斬首百四十有奇擒百五十人延恩祠記建東西重門都元敬集

關設兵道自始志

陳鼎山東登州人進士正德中以陝西右叅議撫治商洛時礦賊馬

隆聚眾劫掠聲振三輔鼎率官兵討平之擢副使兵備延綏撫禦

有方陞浙江按察使賈志

陸杰字元望浙江平湖人進士歷遷陝西鄜延兵備副使賊兵大入

杰督兵出戰斬戮甚多寇數歲不敢近邊賈志

張仕隆河南安陽人進士嘉靖初為關南副使時漢中為民害者有

五狼八犬一虎一虎之謠隆按得其實即寘於法問民疾苦嚴禁

科索一時墨吏望風解組山南礦徒為盜召其首諭以禍福諸盜

解散又開紅花堰溉田興學課藝科第始盛卒於官士民思之漢中

府志

張原明字孟復河南儀封人正德中進士歷陝西右布政使壬辰關

輔大饑公督理賑濟間關秦隴間數月衣履俱穿活人以數萬計

事聞賜兼金綵幣勞之改浙江未幾再進陝左使關中人慶若更

生年餘疏乞歸儀封縣志

劉麟字元瑞上元人進士正德中西安知府居官清簡時都御史陳

壽咸寧知縣何亮號三廉累官陝西右叅政屬關內饑敵數入掠

朝遣貴臣督兵議軍餉將加賦秦民諸司莫敢持麟曰不可靖邊

本以為民今若此恐內難作亦同寇也貴臣變色曰憂民者獨叅

政即適陝西有赴闕陳訴者命下麟具陳不便議乃得寢於是覈

侵漁括逋負邊用得不乏擢雲南按察使賈志

符萬璧四川大竹人嘉靖癸未進士歷官陝西兵憲上籌邊奏議邊

境賴以保障有罪囚不應死與御史爭之不得投劾歸養

四川通志

葛守禮字與立山東德平人嘉靖進士陞陝西右布政轉左秦王以

牧地故利民田立石壟上民爭訟不決守禮仆壟石田復歸民山名

藏

孟霖山西澤州人進士任陝西督糧道明敏廉介剛柔交濟督儲有

方每師行糧餉充裕臺體肅然賈志

陳儒字懋學錦衣衛人進士歷官陝西右叅政庚子秋敵入原州儒

以兵從尚書劉天和督戰擒斬甚衆欽賜銀幣邵陽令以炮烙刑

誣服盜罪枉死者五六輩前按察使直之令嗾御史劾按察使落

職儒執令下獄令復乞幸臣祈免儒笑曰吾得正國法雪民冤足

矣寧殺人媚人耶獄成令罷黜誣者得釋詔復前按察使官而御

史以失法降外任賈志

王湘字大清濟寧人進士遷陝西按察副使妖徒李一正聚眾吏莫能制湘授方畧遂殲之賈志

薛應旂字仲常南直武進人嘉靖十四年進士兵備郎延去延之日軍民父老號呼攀援襁屬於道車不能前名山藏

汪尚寧南直歙縣人進士任潼關兵備副使風采最著先是鄆縣周相任兵備葺潼關廟學山陰何鰲任兵備建潼關南北水關歷久傾圮尚寧至復修舊蹟並建東西城樓去之日行李蕭然祀名宦

潼關備志 聶豹江西永豐人兵備潼關有直節時閹官在關權稅為地方患豹揭參被逮是日玉皇觀風穴白晝飛沙障天人驚異之祀名宦潼關志

邊詢任邠人進士兵備潼關法紀嚴峻揭參無橫術其人時遷

侍郎清丈屯田擾民詢力抗之又濟河夫役工食以關官半俸餘糧給之民戴其德潼關志

范懋和四川富順人由進士兵備潼關嚴除蠹役出贖金建城舖五十一所時韓邑山寇蒲渭桀盜華洛曠徒悉就蕩平暇則校課諸生祀名宦潼關志

張大用四川岳池人嘉靖中進士陝西按察司僉事奉勅長城建鎮朔樓工成陞副使有太監壞鹽法立劾罪之一道肅然四川通志

李臨陽四川江津人性貞亮由進士擢陝西按察使去之日士民道送之士大夫為著貞惠錄四川通志

李攀龍字于鱗山東歷城人嘉靖甲辰進士擢視陝西學政攀龍

陝右西京也乃教諸生以秦漢之文古學興焉賈志攀龍鄉人殿至

為巡撫以檄致攀龍使屬文攀龍不憚曰副使而屬視學政非而

屬也且文可檄致耶即上疏乞骸骨拂衣東歸明史竊本傳

李承式字敬甫雲中人嘉靖時兵備榆林倣古握奇六花諸法為圓

機陣圖因山川形勢步騎離合首尾相應奇正相生采諸武經為

說鈐集要授諸生誦之大泌山房集

孫應鰲字由甫如臯人進士督學關中以濂洛之學自任蒞政舉大

體不親細務教士務實効不為虛名當時號稱得士賈志

楊錦字尚綱山東益都人進士以戶部郎任靖邊兵備副使創建龍

圖書院威名流著子邦憲字孝徵萬曆進士亦以戶部郎出知西

安府有異績擢關內兵備副使陝東大治轉補神木及榆林兩道

以計擒巨盜麻四等擢左布政使延綏鎮志

李世懋字敬美太倉人進士以文望推為陝西提學副使士風翕然

一變凡忠孝節義搜錄顯揚與士相砥礪試未竣請告歸生儒以

未竟其學為憾後遷太常寺卿賈志

朱炳如字仲南湖廣衡州人進士陝西布政使寬仁有度淳塵不染

張江陵當國上計入都不為贊張意不悅久之不調遂請告去賈志

許孚遠字孟中浙江德清人嘉靖壬戌進士授主事歷陝西提學

先德行而後文藝以身範訓多士考校肅然著有西書家言

朱引秦人寶之賈志

蘇濬字君禹福建晉寧人萬曆丁丑進士任商洛撫治參議聞民疾

苦釐蠹清冤議行條鞭節省萬計創書院建文屏譚經枝藝指不

法程由是科第鵲起時礦徒趙天知等千餘嘯聚濬潛抵巢穴

其魁士民歌頌祠書院商州志

房守士山東齊河人進士任榆林道兵備副使榆俗故侈守士號然

曰不可長也下令長袖高髻者罰罔赦一時斂華歸實朔望召耆

老氓庶陳說孝義時詣學宮鳩集弟子員之秀者而課其藝時

米士鐵為置備荒倉至今賴之延綏鎮志

蕭應官江南常熟人進士兵備潼關有清操南山礦徒以千金之

應官立斃杖下礦徒解散盜源以絕祀名宦潼關衛志

陳長祚福建長樂人進士以布政使兵備榆林操堅冰蘄尤悉心邊

務厲兵秣馬增城浚隍每入都御史劉敏寬幕畫便宜靡不奇中

報三大捷朝廷賜白鏢焉賈志

王愛錦衣衛籍任邱人萬曆三十三年由進士分巡河西潔已率屬

時承平已久蠹政日滋愛力除城社整輯兵士境內肅然趙州志

常守信磁州人進士備兵潼關慈良廉潔時值歲荒力請上臺潼倉

本色折銀六錢仍以闕官半俸銀賑飢遷湖廣憲副士民涕泣遊

留後有胡其俊者孝感人亦潼關兵使值歲荒照守信事例屯田

請折每石六錢韓城撫賊賞錢千緡與俊有嫌者誣後得賊賄酬

賊于金命錦衣衛逮訊關人逆送後得昭雪關人竟有赴原籍候

之者其德惠入人如此潼關衛志

洪翼聖字季濟永縣人萬曆戊戌進士四十一年任陝西提學副使

嚴介自持不通交際津要咸望而自却陞光祿寺卿賈志

尹仲宇弱生富順人進士初知西安府廉明耿介臺省皆嚴憚之後

為督學教士嚴峻請謁不行賈志

劉應遇湖廣麻城人舉人崇禎二年以商州副使任關南道時常義

張板子犯漢計陷大安鎮樓將悉焚應遇以撫鎮賊許之應遇

曰賊受撫高卧不虞我兵至也命遊擊解文英急乘之抵壘賊

潰應遇宥二渠以示信兵燹後民耗什九應遇撫民訓士不任

人士立祠祀之漢中府志

李若梓四川南充人陝西兵備道時流寇猖獗新渠魁神一死

天飛以勞瘁致疾遷河南布政使四川志

張允登漢州人進士萬曆中任咸陽令有古循良風歷陞鄜州道

志縣允登崇禎四年備兵鄜州流寇陷中部夜遣敢死士啣枚疾馳

至城下殺賊甚多出次甘泉降寇劫餉銀而叛允登勒兵巷戰死

之士民無不流涕延安府志

郭景嵩葭州兵備道崇禎間歷年饑荒流寇蠭起四年十二月甘泉

賊不沾泥張存益陷葭州景嵩死之葭州志

葉廷桂號青來商邱人天啟壬戌進士崇禎五年為關內道屢破賊

渠神一魁等斬首各萬餘又圍流賊李老若等於中部城腕中流

矢足被鉛石督衆愈力卒破之通志遂道又破礦盜數百人又轉

河西道叅政修城池招降逃亡賊渠紅狼等四十人河南通志

孔聞諜曲阜聖裔進士崇禎七年任河西道九年吏治嚴明官戶

憚服建修學宮以課士興才為務兵燹之餘文風克振賈志

劉宇揚四川綿竹人舉人崇禎時以戶部郎中任關南道特漢中巨

寇羣起兼以饑饉宇揚辦餉辦賑晝夜乘城督守者一年危疆獲

安兵荒後多方撫懷以勞卒於官卹贈太僕寺卿柩歸百姓哭送

之送者十日漢中府志

呂大器四川遂寧人進士崇禎十一年以吏部郎出為關南副使關

南夙號盜藪招募鄉勇以俸金鑄錢為射的中即賞之人皆競奮

陽平關為秦蜀咽喉遣工繕葺寇聞遠遁演武之暇尤重課文遜

孝廉及青衿之雋者月較三藝以是兵火相仍不廢絃誦時兵寇

比劇為患渠帥弗能禁大器獨治主兵者使之氣懾兵不敢譁漢

民以靖陞寧夏巡撫○張兆曾雲南人舉人崇禎十一年以隴右

參議署分巡關南道道上聞軍婦哭聲詢之曰貪弁科役酷貪無措耳下車按實褫其職時巨蠹私相謂曰曾代庖官五日京兆耳

曾不少貸旬餘公署肅清漢中府志

賈鴻洙字孔瀾北直清苑人進士由戶部郎歷陞陝西提學參政為政持大體廉而平教士如子弟衡文片善皆錄故士無冒榮苟進者賈志

馮敬舒字圓衷浙江慈谿人天啟二年進士歷陞陝西按察使李自成

成既視秦中與撫軍合力防禦者歲餘遷山西右布政使寧波府志

周士奇即陽人由選貢授襄城令時流寇蜂起士奇堵禦有方調南

鄭令陞知綏德州值賊眾數萬攻城士奇率城中壯士夜襲之擒

其渠帥百姓被賊焚掠者悉發倉粟賑之陝督上其功遂以西安

同知擢商洛道右參議監總兵左良玉軍每懲束士卒之不法者

軍中肅然湖廣通志

鄧應響字希聲福清人萬曆丙午解元擢兵備榆林道經鄜延適前

道某為賊害於甘泉人人震恐督撫久廉應響名強留之署應響

欣然受命以鄜為三秦咽喉一發擒斬賊魁無筭賊因欲甘心於

鄜糾眾三千餘間道潛入應響聞警仗劍出署四顧無銳卒可呼

乃急領家丁六七人詣北門而賊已集獨力與抗尚手及三賊眾

寡不敵竟以身殉事聞贈太常寺卿予祭塋蔭卹福建通志

劉三顧山東海豐人舉人崇禎初知洛川性嚴介有邊才固封疆緝

盜賊尤崇文教尋陞知府時賊益猖獗所至攻陷三顧練勇壯繕

城塹多方設備率眾守禦間出民兵殲其渠魁又請減練餉民賴

以甦陞監軍道畫策設伏每戰輒捷總制洪承疇倚為左右手

物形庭鹽山人崇禎十五年由舉人分巡河西保障一方捐俸創修

西山寨最稱險固州人賴之志 鄭州

喬遷高山西定襄人山西志載喬遷高綬冠紀畧紀由進士歷知府

署潼關道事監總督孫傳庭軍孫于河南失利退守潼關遷高

分得南城城陷挺身巷戰大呼曰我監軍道喬遷高也力殺數賊而

死子諸生象觀同妻史氏俱自縊續表 忠記

黃綱字季侯光州人進士歷陞陝西按察使綱生平清介自矢讀書

至忠孝大節輒呼浮大白擊節嗟嘆及膺寇難誓以身許國西

破義不受辱自沉於井妻王氏同殉後贈太常寺卿諡忠烈

朱世清字澄海山東滕縣人進士崇禎十二年任商洛撫治參議癸

未十一月十一日闖寇李自成分十萬眾寇商世清與士民決意堅

守城于五日城陷執世清欲官之厲聲大罵賊怒殺之商州志 按紀事本

李自成以十月成京 世清不屈 考成辰十月八日也 與州志異

都任字弘若祥符人萬曆間進士備兵榆林時賊勢甚熾所至

任以延綏重鎮預為守禦計適舊撫去鎮將倡逃人鮮固志任

泣勸諭勉以忠義賊遣人誘降即斬之以徇賊數萬薄城下百道

攻擊任隨機摧之復簡壯士夜斫其營賊大潰斬首數百級賊益

憤攻圍愈急有為賊作內應者城遂陷任率眾巷戰力屈被執賊

帥曰若固好男子苟降無憂富貴也任怒罵不絕遂遇害賈 崇禎

十六年十一月李自成陷延安發金數萬招榆林諸將以大寇繼

之備兵副使都任及故總兵王世顯侯世祿侯拱極尤世威惠顯

等歛各堡精銳推世威為長乙未賊四面環攻城上強弩疊射賊

死屍山積更發大炮擊之賊稍却死者數萬人賊攻益力逾旬不

克賊以衝車環城穴之城崩數十丈賊擁入城遂陷副使都任闔

家自焚死尤世威縱火焚其家口揮刃突戰死諸將各率所部巷
戰殺賊千計賊大至殺傷殆盡無一降者闔城婦女俱自盡諸將
死事者數百人紀事本末

按監司以承流宣化為事尤宜省要職也元有陝西僉事杜思
敬失其籍明有陝西布政使宋禮洛陽人譚溥昌邑人李祥河
間人王勣稷山人陳道番禺人田彭馬邑人王儼華容人劉曰
材南昌人楊最射洪人叅政蔣瑤歸安人陝西按察使劉迪沂
州人石璞江南華亭人張邦教蒲州人劉不盈清苑人梁鼎賢
河南人分守道王士嘉武城人楊善歸安人陶銓絳州人王嵩
汲縣人王鑾襄城人劉景寅南溪人蔡天祐睢州人易瓚福寧
人黃鄉益都人邵錫安州人謝存儒蒲圻人胡建長垣人譚榮
涪州人李延康長治人姚九功襄垣人張芊南充人劉天衢廣

濟人劉致中延津人李弘道襄陵人李天麟山東武定人周思
敬麻城人吳顯漳浦人習孔化廬陵人分巡道宋性德州人于
守禮萊陽人孟準遷州人孫逢吉渾源人徐奇石門人金濂江
南山陽人毛思義陽信人徐文華四川嘉定人羅善安福人秦
文臨海人呂和寧波人丁致祥武進人陰武鄉內江人陰東暘
汲縣人李維禎京山人李標鄆縣人蕭察汝陽人萬自約太原
人趙健涇縣人徐順明杞縣人趙楫浙江山陰人邢雲路安肅
人袁謙西充人甯化龍宜隸新安人詹思謙常山人黃和充州
人馮盛明涿州人張維世太康人李春茂陽城人高邦佐襄陵
人錢天錫沔陽人顧大章常熟人張國銳侯官人包起鳳南陽
人錄其姓氏凡以補前傳所不及云

本朝

袁生芝良鄉人崇禎丙子舉人順治三年官商維道山寇賀遥期
攻商州生芝設守甚力時協守者為總兵金某賊宣言有縛獻
金總兵者即解圍去城中惶惑生芝集諭士民鼓以大義堅守
踰月城陷生芝自縊死父某亦戰死闔門被害者三十二人事
平

卹廕有加

馮如京代州人恩貢順治二年官靖邊兵備副使時巨寇黃色俊
以闖孽嘯聚進逼靖邊如京料民兵得數百人登城固守伺間
出奇擊之賊大敗遂乘勝擣巢滅賊而還事

聞賜賚有加

王希舜遼陽人貢生順治四年任西安知府五年陞分巡河西道
寬簡愛民知無不為王永強作亂仗節不屈死之事

袁卹贈廕

楊可經直隸通州人拔貢順治二年任漢中知府聞賀寇將犯境
與同知董應徵推官原體蒙協謀固守預備芻糧以待寇至軍
儲既足血戰匝月城卒無恙四年可經陞商洛道副使應徵代
為知府應徵正定人體蒙陽城人應徵後陞本省糧道體蒙亦
官知府

夏廷印廣寧人官神木副使以清恪名順治五年高有才之變慄
慨赴難死於府谷事

聞贈太僕寺卿

石鳳臺陽城人天啟乙丑進士初授韓城令調停驛站民力獲紓
順治六年擢關西分守道護理陝西巡撫事時寇黨未靖鳳臺
多方防禦省會獲安其生平宦蹟秦省居多凡所設施必寬嚴

相濟允稱古之遺愛

張國泰字大來直隸新城人崇禎癸酉舉人順治六年任商洛道會杆賊何士升盤據洛南出沒州東橫肆劫掠國泰親勦之陣擒賊黨雷登高士升走伯牙山國泰誓衆圍之旬日士升從間道走匿盡獲其頭畜子女以歸八年國泰以陞任去內鄉許宸繼之遣材官李政持檄招撫時士升與王友合營負固不下宸用間謀計俾友縛士升以獻置之法州境始寧宸內陞通政司

參議

田厥茂字心耕蒲州人順治丙戌進士七年以參議道督學陝西絕苞苴嚴請託公明大著西安書院中舊有正學名臣二祠兵燹後祇存遺蹟厥茂志存復古購隙地重建在任三載表揚忠節名教賴以維持後陞福建布政使

于時躍奉天人順治八年任陝西按察使明允如神每聽斷兩造對鞫片言承伏有于不落店之謠一時豪強斂跡官吏各相戒勿犯法

劉景雲深州人順治丙戌進士十一年以兵部郎中授關南道時方革餉司以餉事歸道景雲出納惟允召買之役調劑得宜漢南咸被其澤隨擢廣西叅政

秦才管南陵人順治丁亥進士十二年以僉事道督學陝西正文體恤士類識拔皆名宿先後登春秋榜甚衆試乾州適母訃至痛哭絕粒而卒

婁應奎寧遠州人拔貢順治十二年爲關南道才畧優長心術愷惻時鎮臣派民供糧養馬應奎條奏與民被害狀甚悉得旨飭禁州民感佩遷靖邊副使

陳曠字公朗孟津人順治丙戌進士歷官山東右布政使順治十
五年陞陝西左布政使十六年入

覲條奏五事大畧言秦民之困宜加軫恤而延安地畝折正一事
尤屬要務延屬土瘠民貧舊例四五畝折內地一畝起科自興
屯道白士麟暨同知高應選督墾荒地按畝報加五倍前賦曠
疏入得減延民頌之先曠父中丞名惟芝者嘗為延之洛川令
曠因深悉延民之苦及任秦藩遂得行其志在任三年省事寧
人與民休息以積勞卒官

湯斌字潛菴睢州人順治己丑進士任潼關兵備道兵燹後人鮮
知學斌至葺文廟舉鄉飲朔望宣講

聖諭誨諄切民皆向化歲旱虔禱甘霖立應會二麥歉收民願以
米代輸州縣吏格於成例斌力為申請兵民兼濟潼關介秦豫
之交民有種鄰壤田者仍服本省役豫民恃斌為鄉人欲使秦
民充豫省徭役斌嚴斥之悉令如舊豪猾害民廉實輒斃杖下
馭兵尤嚴整有法尋擢江西嶺北道仕至工部尚書雍正十年
入賢良祠

錢受祺字介之錢塘人順治壬辰進士十八年任商洛道清操率
屬撫慰殘黎民得休息時鄖陽未靖鄖撫檄商洛運軍需貯洵
陽以待軍行受祺支應有法各屬咸賴焉

葉映榴字蒼蠟江南上海人順治辛丑進士歷任陝西提學道訓
士以立品為主每按部虛公考校被落者悉無怨言三秦士子
經明行修風氣日上後督糧三楚值夏逢龍作亂死之

勅贈工部右侍郎謚忠節祀名宦祠

高光祉寧晉人進士康熙六年擢榆林道整飭邊疆興屯立學兵

民安之十四年朱龍變起五月自定邊進逼榆林光祉倡率紳士共結忠義社晝夜乘城協力堅守賊覘知守禦完固撤兵遠遁孤城得全八月以陞任去有紀功碑具載其事

楊三知字鈞伯良鄉人順治丙戌進士康熙十一年補神木道漢黔煽亂邊將朱龍應之人情洶洶三知方代覲歸行次保德或曰事急矣公無渡河三知不聽既抵署日夜為守禦計無何守將孫崇雅潛通賊賊至執三知於城上逼取勅印不與賊擁之至署三知急趨井旁擲身入折左肱幾殞賊急鎚入負之出復甦三知知不能死遂大罵賊賊閉之一室誘之降不從賊怒遂遇害其妻與妾及二女俱赴井死時神木知縣孫世譽正紅旗人賊執欲降之不可因羈深室中大兵將至遂為賊所殺事

聞贈三知光祿寺卿世譽布政司參議

昇猷字允大丁亥進士順天大興籍浙江山陰人由部屬累任監司廉幹有聲康熙十一年轉漢興道十三年吳逆變起時昇猷已陞江蘇按察使因軍興奉

特者仍留原任漢中既為川省咽喉又係吳逆舊駐之所賊黨遍布人心皇皇昇猷慷慨振勵以死自誓并以吳逆之罪神人不容殲滅立至鐫石布告兵民於是咸知大義無不感奮從命固守數月以力竭城陷被執械致成都獄中賊黨誘說百端必欲降之不從箍腦椎脛備極毒脅昇猷亦終不少屈曰吾唯有辦一死以報

朝廷而已幽囚六年及勇畧將軍趙良棟入成都始得出事

聞授為四川按察使洵陞至刑部尚書

與針曲阜人康熙庚戌進士十九年任潼商道甫下車即赴畧

陽督造運艘運糧陽平關調度得宜不勞民而事集歲大饑與
釘罄囊糴粟計口散賑全活甚夥潼民多叢奸健訟與釘廉得
之立寘於法葺學宮建義學註釋

聖諭刊刻頒行民知向化自奉極約人不敢干以私嘗署藩篆冰操
益勵二十二年卒官貧不能殮僚屬爭致賻歸其視

許孫荃字四山合肥人康熙庚戌進士歷戶部郎中出督陝西學
政廉明審慎風尚一新丁卯秋圍中式者皆兩試前茅士孫荃
行部所至凡遇前賢名蹟必捐貲脩復力為表章其後裔之賢
者悉拔置膠庠以示鼓勵四方遊士以貧故留滯秦中所在為
置公養一時名宿如郿縣李栢朝邑王建常扶風張子瞻渭南
劉懿宗淳化宋振麟咸式廬遣幣講布衣之好李顥屢辭

居貧教授孫荃欲買田以贈知顥義勿受檄整屋宇博代購之
不以告並刻其所著書行世陝西地亘三邊孫荃征車遍歷
人覽古一一寄之於詩太史李因篤為論定得如千卷名曰華
嶽集論者謂關中學使前有敬菴後有四山稱二許云

李時謙大興人順治辛丑進士康熙三十一年以叅議任陝西糧
道值歲歉時謙悉心籌畫賑濟有方民懷其惠西安多徵糧積
弊時謙蒞任斗斛俱準部式出納無絲毫羨餘性勤慎尤甘淡
泊僕從數人皆不勝清苦而去卒之日貧無以殮同官為致賻
歸視焉

金培生奉天正白旗人康熙四十年由鳳翔知府擢潼商道四十
二年

車駕西巡培生脩繕帳殿平治輦路指揮悉當其督修嶽廟及築城
浚隍諸大工經營井井事無不集尤體恤士卒蒞潼三載果於

釐奸慎於決獄日以興教化勵風俗為已任四十四年遷閩臬去

牧守

虞子羔晉文公問於咎犯曰誰可使為西河守者咎犯對曰虞子羔可也公曰非汝之讐也對曰君問可為守者非問臣之讐也羔見咎犯而謝之曰幸赦臣過得為西河守咎犯曰薦子者公也怨于者私也吾不以私事害公說苑

吳起衛人魏文侯以起善用兵廉平能得士心乃以為西河守以拒秦韓文侯卒起事其子武侯武侯浮西河而下中流顧而謂起曰美哉山河之固此魏國之寶也起對曰在德不在險若君不修德舟中之人盡敵國也武侯曰善即封起為西河守史記

起治西河之外王錯譖之于魏武侯武侯使人召之起至於岸門止車而休望西河泣數行下其僕曰公視舍天下若舍屣今去西河而泣何也起雪泣而應之曰子弗識也君誠知我而使我畢能秦必可亡而西河可以王今君聽讒人之義而不知西河之為秦也不久矣魏國從此削矣起果去魏入荆而西河畢入秦史記

田叔趙陘城人為趙王張敖郎中隨敖至長安敖進言叔等十人上召見與語拜郡守叔為漢中守十餘年漢書叔為漢中守既餽軍餉又致名材立宮室帝嘉之漢中府志

李廣隴西人為邊郡太守徙上郡皆以力戰為名匈奴大入上郡天子使中貴人從廣勒兵擊匈奴中貴人將騎數十縱見匈奴三人與戰三人還射傷中貴人殺其騎且盡中貴人走廣廣曰是必射

雕者也乃從百騎往馳三人令其騎張左右翼身自射彼三人者
以其二人生得一人果射雕者也已匈奴有數千騎見廣以為誘
騎皆驚上山陣廣騎皆大恐欲馳還廣曰吾去大軍數十里今走
匈奴追射我立盡今我留匈奴必以我為大軍誘之必不敢擊我
廣令諸騎曰前前未到匈奴陣二里所止令曰皆下馬解鞍彼以
我為走今解鞍以示不走用堅其意於是胡騎不敢擊有白馬將
出護其兵廣上馬奔射殺白馬將復還其騎中解鞍令士皆縱馬
卧會暮胡兵終不敢擊引而去廣乃歸其大軍居久之武帝立廣
以上郡太守為未央衛尉史記本傳

豐宗字武孺

南陽冠軍人

少有操行多智畧建初中為朔方太守舊內郡

徒人在邊者率多貧弱為居人所僕役不得為吏宗擢用其任職

者與邊吏參選轉相監司以摘發其姦或以功次補長吏故各願

盡力自效畏之不敢入塞

後漢書賈復傳

鄭勤字仲永初四年三月先零羗寇襲中漢中太守鄭勤戰歿

後漢書

杜實字子正

涿郡人

明於政體吏才有餘為五原太守五原土宜麻枲

而俗不知織績民冬月無衣積細草卧其中見吏則衣草而出實
至官斥賣儲時為作紡績織絰練緼之具教之民得以免寒苦是
時胡虜連入雲中朔方殺畧吏民一歲至九奔命實整厲士馬嚴

烽堠寇不敢犯常為邊最

後漢書崔駰傳

鄭渾字文公河南開封人遷左馮翊時梁興等畧吏民五千餘家為

寇鈔諸縣不能禦皆恐懼寄治郡下議者以為當移就險渾曰興
等破散窟在山阻今當廣開降路宣喻恩信而保險自守此示弱
也乃聚吏民治城郭為守禦之備發民逐賊獲十以七賞百姓大

後皆願捕賊多得婦女財物賊之失妻子者皆還求降渾責其得
 他婦女然後還其妻子於是轉相寇盜黨與離散出者相繼乃使
 諸縣長吏各還本治以安集之興等懼將餘眾聚鄜城渾率吏民
 前登輶輿及其支黨前後歸附四千餘家由是山賊皆平民安產
 業太祖征漢中以渾為京兆尹渾以百姓新集為制移居之法勤
 稼穡明禁令由是民安於農盜賊止息及大軍入漢中運轉軍糧
 為最又遣民田漢中無逃亡者太祖益嘉之三國志本傳
 召又字季陽南陽人少孤諸葛亮連年出軍調發諸郡多不相救又
 募兵五千人詣亮慰喻檢制無逃竄者徙為漢中太守兼領督農
 供給軍糧亮卒之後士伍亡命奸巧非一又防禁開喻勸導漏脫
 自出者萬餘三國志本傳

楊阜字義山天水冀人太祖以阜為武都太守劉備取漢中逼下辨

太祖以武都孤遠欲移之恐吏民戀土阜威信素著前後徙民氏

使居京兆扶風天水界者萬餘戶徙郡小槐里百姓襁負而隨之

為政舉大綱下不忍欺在郡十餘年徵拜城門校尉三國志本傳

顏斐字文林京兆太守推誠惠愛治身清白為良二千石三國志裴倉慈傳

為京兆太守到官令屬縣整阡陌樹桑果是時民多無車牛裴課

民以閑月取車材使轉相教匠作車無牛者令畜猪狗賣以買牛

始者民以為煩一二年間家有丁車大牛又起文學聽吏民欲讀

書者復其小徭於是風化大行京兆與馮翊扶風接界二郡道路

穢塞田疇荒萊人民飢凍而京兆開明豐富常為雍州十郡最青

龍中司馬宣王在長安立軍市而軍中吏士多侵侮縣民裴以白

宣王宣王召軍市候便于裴前杖一百自是之後軍營郡縣各得

其分後數歲遷平原太守吏民啼泣遮道車不得前稽平田十餘日乃出界東行至峻疾困遂卒京兆聞之皆流涕為立碑於今稱

頌

挹字祖冲馮翊蓮勺人少有志節孝武初苻堅陷梁益桓豁表挹為魏興太守尋加輕車將軍領晉昌太守以拒堅之功拜員外散騎侍郎苻堅將韋鍾攻魏興挹遣眾拒之斬七百餘級加督五郡軍事鍾率眾欲趣襄陽挹又邀擊斬五千餘級鍾怒迴軍圍之挹又層挫其銳其後賊眾繼至力不能抗城將陷引刀欲自殺其友正之曰且苟存以展他計為計不立死未晚也挹不從友人逼奪其力會賊執之挹閉口不言不食而死晉書本傳

忘其功效之下獄死後追贈牙門將軍潘岳為之誄魏州志

歐陽建字堅石世為冀方右族雅有思理才藻美瞻歷馮翊太守甚

得時譽晉書本傳

王連為扶風太守劉曜攻陳倉連率眾背城而陣為曜所敗死之晉書

劉曜載紀

武茂字季夏沛國竹邑人以德素稱為上洛太守清直方正聞於朝野晉書武

南采

蕭承之字嗣伯南蘭陵人少有大志才力過人元嘉十年蕭思話為梁州

刺史承之為其府司馬漢中太守氏帥楊難當寇漢川梁州刺史

甄法護棄城走思話至襄陽不進承之輕車前行政氏偽魏興太

守薛健於黃金山尅之黃金山張魯舊戍南北險固健既潰散承

之即據之薛健退屯下桃城立柴營承之引軍與對壘健與偽馮

兩太守蒲旱子悉力出戰承之大破之健等閉營自守思話繼至賊稍退承之進至峨公山為沙州刺史呂平大衆所圍建武將軍蕭汪之平西督護段蚪等至表裏奮擊大破之難當又遣息和領步騎萬餘人夾漢水兩岸攻逼承之相拒四十餘日賊皆衣犀甲刀箭不能傷承之命軍中斷槊長數尺以大斧搃其後賊不能當乃焚營退承之追至南城連戰皆捷梁州平詔承之可龍驤將軍隨府轉寧朔司馬太守如故元嘉二十四年卒梁土民思之於峨公山立廟祭祀南齊書高帝本紀

南齊

柳慶遠字文和河東解人齊初為魏興太守郡遭暴水流漂居民吏請徙民祀城慶遠曰天降雨水豈城之所知吾聞江河長不過二日斯亦何慮命築土而已俄而水過百姓服之梁書本傳

庾域字司大新野人長沙宣武王為梁州以為錄事參軍帶華陽太守時魏軍攻圍南鄭州有空倉數十所域封題指示將士云此中粟皆滿足支二年但努力堅守衆心以安虜退以功拜別林監梁書本傳

北魏

索敞字巨振敦煌人補扶風太守在位清貧未幾卒官謚獻魏書本傳張應不知何許人延興中遷京兆太守所在清白得吏民之忻心焉

魏書本傳

高忱字士和允子勃海人位長安太守為政寬惠百姓安之北史高允傳

梁祐北地人景明初北地太守清身率下甚有治稱為平西將軍京兆

內史卒官魏書裴叔業傳附

柳僧習河東人景明初遷北地太守為政寬平氏羌悅愛魏書裴叔業傳附

江文遙悅之子齊陽考城人永平初為咸陽太守勤於禮接終日坐廳事

至者見之假以恩顏屏人密問於是民所疾苦大盜姓名姦猾吏

長無不知悉郡中震肅姦劫息止治為雍州諸郡之最魏書江悅之傳

閻慶引不知何許人為東秦州敷城太守在政五年清勤厲俗頻年

饑饉慶引常以家粟千石賑恤貧窮民賴以濟部民楊寶龍等一

千餘人申訟美政有司奏慶引有子愛百姓之義魏書本傳

高幹渤海人字干奴白水太守以廉平著稱魏書高湖傳

宇文測字澄鏡太祖族子大統八年行綏州事每歲河水合後突厥

即來寇掠先是常預遣居民入城堡以避之測至皆令安堵如舊

乃於要路數百處並多積柴仍遠斥候知其動靜是年十二月突

厥從連谷入寇去界數十里測命積柴之處一時縱火突厥謂有

大軍至懼而遁走自相蹂踐委棄雜畜及輜重不可勝數測徐率

所部收之分給百姓自是突厥不敢復至測因置戍兵以備之十

年徵拜太子少保周書本傳

北周

高賓渤海菑人有文武幹用世宗初除咸陽郡守政存簡惠甚得民

和世宗聞其能賜田園於郡境周書裴文舉傳

劉志弘農華陰人高祖隆宋武帝平姚泓以宗室首望召拜馮翊郡

守後避地河洛因家汝潁志性方重兼有武畧魏永熙二年除廣

州別駕孝武西遷志舉廣州歸國高祖嗣位拜刑部中大夫時道

勺界內數有羣盜攻劫行旅郡縣不能制乃以志為延壽郡守督

之志示以恩信羣盜相率請罪志表陳其狀詞並免之自是郡界

肅清寇盜屏息周書裴果傳

唐

蕭瑀字時文南蘭陵人隋時為河池郡守部有鈔賊萬人吏不制瑀募勇

士擊降之悉捐貨畜賜有功又擊走薛舉眾數萬高祖入京師招

之挈郡自歸唐書本傳

常達陝州陝人從高祖征伐拜隴州刺史時薛舉方強達敗其子仁

杲斬首千級舉遣將件士政給降伺隙劫之歸賊舉指其妻謂達

曰識皇后乎答曰彼癩老嫗何所道舉奴張貴又曰亦識我否達

瞋目曰若乃奴耳貴忿舉笏擊其面達不為懼亦拔刀逐之趙弘

安為蔽捍乃免仁杲平帝見達勞曰君忠節正可求之古人為執

士政殺之賜達布帛三百段以達事授史官唐書本傳

趙慈景隴西人帝美其姿故妻之帝起兵或勸亡去對曰母以我為

命且安往吏捕繫於獄帝平京師為華州刺史討堯君素戰死贈

秦州刺史諡曰忠唐書長廣公主傳

梁禮為鄜州刺史封鄜城郡公武德二年梁師都侵延州禮力戰沒

於陣冊府元龜

李懷遠字廣德邢州栢仁人徙同州刺史治尚清簡累遷鸞臺侍郎

唐書本傳

姚崇字元之陝州峽石人睿宗立為同州刺史先天二年元宗講武

新豐故事天子行幸牧守在三百里者得詣行在時帝亦密召崇

崇至帝方獵渭濱即召見咨天下事衮衮不知倦唐書本傳

成大琬為同州刺史先天二年太上皇命有司頒賞諸州朝集使有

善政者遂以大琬為陝州刺史賜物一百段冊府元龜

姜師度魏人開元初遷同州刺史於朝邑河西二縣界就古通靈陂

擇地引洛水及堰黃河灌之以種稻田凡二千餘頃內治屯十餘

所收獲萬計尋遷將作大匠舊唐書本傳

張廷珪河南濟源人第進士補白水尉開元初為沔州刺史在官有

威化唐書本傳

崔隱甫貝州武城人開元九年自華州刺史遷太原尹人吏刊石頌

其美政舊唐書本傳隱甫所至潔介自守明吏治在職以彊正稱唐書本傳

隱甫華州刺史吏民畏愛庭無滯訟馬志

馬燧字洵美汝州人李抱玉守鳳翔表燧隴州刺史西山直吐蕃其

上有通道虜常所出入者燧聚石種樹障之設二門為譙櫓八日

而畢虜不能暴唐書本傳

陸琛蘇州吳人字仲采舉明經補長安尉以清幹稱累遷西河太守屬邑

多虎前守設檻穿琛至徹之虎不為暴唐書陸元方傳

裴寬聞喜人遷東海太守徙馮翊其為政務清簡所蒞人愛之唐書裴淮傳

蕭賁

馮翊太守

至德二載安慶緒陷馮翊郡賁死之

唐書蕭宗本紀

呂日將乾元元年為鳳州刺史嘗敗党項羗于三嗟谷馬志

房瑄字次律河南人乾元元年為邠州刺史始邠以武將領刺史綱

目廢弛即治府為營吏攘民居相滯謹瑄至一切革之人以便安

政聲流聞唐書本傳

蕭悅上元二年為鳳州刺史奴刺党項羗來寇悅死之馬志

鄧郢字公楚衛州人父伯祥為好時尉安祿山陷京師將誅之郢尚

幼解衣請代賊義并貸之寶應初及進士第為華州刺史政尚仁

靜初駱元光自華引軍戍良原元光卒軍入神策州仍歲餉其糧

累刺史不敢白郢奏罷之唐書本傳

李國巨河西人本姓安賜姓李大曆八年為鹽州刺史吐蕃敗渾瑊

於黃菩原將畧沂隴國臣謂人曰虜乘勝必擾京師我趨秦原彼

會反顧乃引兵登安樂山鳴鼓而西日行三十里吐蕃聞之自百里城回軍踰險城因擊敗之唐書李光弼傳

蕭復字履初改同州刺史歲歉州有京畿觀察使儲粟復輒發以貸人有司劾治詔削階停刺史或弔之復曰苟利於人胡責之辭久

乃拜兵部侍郎唐書蕭瑀傳

裴向字儀仁聞喜人建中初李紆為同州刺史奏署判官李懷光叛

河中使其將趙貴先築壘於同州紆奔奉天向領州務獨詣貴先

壘開諭之貴先乃降同州得不陷累為櫟陽渭南令奏課皆第一

擢戶部員外郎唐書本傳

李位為商州刺史德宗貞元二年以能政特賜金紫冊府元龜

鄭賈為金州刺史貞元十二年以賈有能政加簡較司勳郎中冊府元龜

郭鋒麟州刺史賈志貞元十七年七月吐蕃陷麟州刺史郭鋒死之唐書

德宗本紀

李西華貞元中為商州刺史商州西至藍田東至內鄉七百餘里山

阻重沓小遇暴雨則隔絕行旅或露居糧絕旬日不止則往往僵

仆西華置墻立廬又徧山通偏路以避盛水自是行李不滯冊府元龜

崔宗字君濟博陵人自長安令擢同州刺史歲歉設里倉三百所賑

以俗產尚奢靡以致久暴骸骨琮戒諭懇至俗為頓易凡豪奪鄉

紳陰持吏失朋構訟獄者盡置以法郡城自兵後復隍殆盡琮大

興版築民皆悅使忘勞不旬城成琮德宗時為同州刺史郡

人多患風疾琮製藥以療之曰鎮風丹今碑尚存馬志

袁道字德深蔡州郎山人為華州刺史政清簡流民至者給地居之

名其里曰義合專以慈惠為本未嘗設條教民愛向之有犯令時

時法外縱舍得盜賊或哀其窮出財為償所亡召為左金吾衛大

將軍以楊於陵代之滋行者老遮道不得去於陵使喻曰吾不敢
 易袁公政人皆羅拜乃得去莫不流涕白孔六帖李汧公鎮鳳翔屬邑
 民因藉田得馬蹄金一甕送於縣署宰邑者慮公藏主守不嚴置
 於私室信宿重開視之皆為土塊以狀聞府遣吏按其事宰邑者
 莫能自白遂以易金伏罪時袁相公滋在幕中疑此事汧公曰非
 判官莫探情偽袁相曰諾因俾移獄府中按問乃令閱甕間三十
 五塊詰其初獲者即本質在焉遂於列肆索金鎔瀉與塊形等既
 成秤其半已三百斤矣詢其擔負人力二農工舁至縣境計其負
 金大數非二人以竹擔可舉明其即路金已化土矣於是羣情大
 豁宰遂獲雪劉談錄

李愬

洮州臨潭人

字元直有籌畧善騎射為坊州刺史以治異等加金紫

光祿大夫

唐書李愬傳

韋繼均坊州刺史有善政民懷之不忘賈志

姜公輔愛州日南人第進士為翰林學士歲滿當遷以母老賴祿而

養求兼京兆戶曹叅軍事公輔有高材每進見敷奏詳亮德宗器

之唐書本傳

永貞初為金州刺史有政畧嘗奏置石泉縣舊志

崔駢坊州刺史興水利以便民當時賴之馬志

崔戎字可大

博陵安平人

舉明經調藍田主簿累拜給事中出為華州刺

史吏以故事置錢萬緡為刺史私用戎不取及去召吏曰籍所置
 錢享軍遷充海沂密觀察使民擁道不得行乃休傳舍民至抱持
 取其靴時詔使尚在民泣詣使請白天子句戎還使許諾戎戒其
 下眾曰留公而天子怒不過斬吾二三老人則公不去矣戎夜單

騎去民追不及乃止

唐書本傳

李文悅為鹽州刺史元和十四年冬吐蕃党項圍攻州城欲陷之悅

防拒凡二十七日乃退十五年六月加金紫光祿大夫冊府元龜

孔戣宣聖裔華州刺史奏革弊政疏救無辜帝咸嘉之舊志

王凝并州晉陽人字成庶舉明經進士為商州刺史驛道所出吏破產不能給而州有治賦羨銀常推直以優吏奉凝不取則以市馬故無

橫擾人皆慰悅唐書王翊傳

元元字微之河南人出為同州刺史急吏緩民收羨財千萬以補亡

戶逋租復遷御史大夫賈志

李景温字德已并州文水人徙華州刺史以美政聞唐書李景讓傳

史憲忠建康人字元貞為隴州刺史增亭鄣徙客館於外戎謀無所伺

唐書史孝章傳

王龜字大年揚州人為同州刺史牙將白約素暴橫嘗譁言月廩薄

以動士心為亂龜捕殺之人皆震慄白孔六帖

崔偉字堯封中和二年為金州刺史黃巢亂偉保守封疆民賴以安

興安州志崔刺史克治厥政恪謹人神中和三年黃巢凌劫州縣有太

白山人云掘破牛山賊當自敗於是發丁萬人掘之有石桶一中

栖黃腰獸上橫一劍獸見劍自撲而死巢至秋果敗中原克平元黃

理仙崔忠惠王廟記

韓建字佐時許州長社人從楊復光攻黃巢於長安巢已破復光亦

死建無所屬乃以麾下兵西迎僖宗於蜀僖宗還長安建為潼關

防禦使華州刺史華州數經大兵戶口流散建少賤習農事乃披

荆棘督民耕植出入閭里問其疾苦是時天下已亂獨建撫緝兵

民荆南成汭時冒姓郭亦善緝荆楚當時號為北韓南郭五代史本傳

五代

崔光鄴字化基濮州鄆城人事唐至耀州團練使周太祖入立出知

永興軍卒於官光鄴臨政務以寬靜休息為意病亟戒左右無久
留以煩軍府既卒州人上書乞留葬立祠不許五代史本傳光鄴權知

冊府元龜

王祚并州和人從晉歷周為隨州刺史移刺商州以俸錢募人開大
秦山若梯路行旅感其惠顯德初置華州節度以祚為刺史宋史王薄傳

宋

尹憲并州晉陽人太宗即位擢為殿直充延州保安軍使太平興國
四年護府州屯兵與鄜州三族改護夏州兵轉供備庫使殺戮三
汭醜奴莊岌加羅臆葉十四族及誘其渠帥屢降詔書褒美雍熙
初詔就知夏州攻破李繼遷之衆于地斤澤繼遷遁走俘獲四百
餘帳奏請于所部抽移諸帳別置騎兵號曰平砦以備其用詔從

宋史本傳

安守忠字信臣并州晉陽人乾德中蜀平太祖知遠俗苦苛虐南鄭
為走集之地故特命守忠知興元府以撫綏之雍熙二年徙夏州
每戎犯邊戰無不捷錄功就拜濮州團練使守忠謹慤淡薄為治
簡靜所至藩郡樂施予豐宴犒且喜與士大夫遊從時論多與之

宋史本傳

翟守素濟州任城人開寶中麟府內屬戎人爭地不決因致擾亂命
守素馳往撫喻守素辨其曲直戎人悅服遷商州團練使雍熙二
年改知延州四年改知鳳翔府淳化中夏帥趙保忠上言其弟繼
遷誘戎人為寇宜求援師詔守素率兵屯夏州守素性謹慎寬仁
容衆所至有治績凡斷大辟雖罪狀明白仍徧詢察寃僉同而後
決屬吏有過不面折必因公宴援往事之相類者言其獲咎以微

警之宋史本傳

韓崇訓字知禮磁州武安人以貝臯等州都巡檢權知麟州雍熙中李繼

遷寇夏州崇訓領兵赴援大敗之徙監夏州軍咸平二年再知麟

州又敗繼遷於城下以勞擢邠寧環慶清遠軍都巡檢使宋史韓重贊傳

李欣字公愉莆田人太平興國間進士歷知耀州時關輔盜賊充斥

欣陳討捕之策踰月悉平福建通志

柳開字仲塗大名入淳化三年知邠州時調民輦送趣環慶已再運

民皆蕩析產業轉運使復督後運民數千人入州署號訴開貽書

轉運使曰開近離環州知芻糧之數不增大兵可支四年今蠶農

方作再運半發老幼疲弊畜產困竭奈何又苦之不罷開即馳詣

闕下白於上前卒罷宋史本傳

程德元字富錫榮澤人善醫術淳化中李順寇蜀以德元知鳳州兼

領鳳成等州兵馬事有戰功後入朝真宗命坐撫勞訪以邊事賈志

周審玉開封人咸平初知鳳翔府有桑門乘傳而西以市木為名威

動府縣審玉曰此必有所倚而為也因按詰之盡得其奸狀杖其

背械送闕下宋史本傳

折惟昌雲中人知府州咸平二年河西黃女族長蒙異保及惟昌所部啜訛

引趙保吉之眾入寇麟州萬戶谷進至松花砦惟昌與從叔海超

弟惟信率兵赴戰會保吉兵眾不敵惟昌臂中流矢墜馬攝弓起

得裨將馬突圍出海超惟信沒焉九月保吉黨萬私保移埋復來

寇惟昌敗走之又破言泥族拔黃砦焚其器甲車帳俘斬甚眾以

功領富州刺史景德元年與王萬海等破賊砦護芻糧抵麟州明

年拜興州刺史大中祥符七年命河東民運糧赴麟州當出兵為

援惟昌力疾領步騎屯寧遠砦冒風沙行疾卒弟惟忠字盡臣惟

昌卒以惟忠知府州兼麟府路都巡檢使領普州刺史進簡州團練使卒惟忠知兵事天聖中契丹與夏國會兵境上聲言嫁娶惟忠覘得其實率麾下往備之戒士卒毋輕動一夕風霾有騎走營中以為寇至惟忠堅卧不動徐命擒之得數逸馬蓋虜所縱也子繼宣嗣州事實元中繼宣坐黜擢其弟繼閔嗣州事繼閔字廣孝慶曆中元昊兵攻麟州不克進圍州城城險且堅東南有水門厓壁峭絕阻河賊緣厓腹微徑魚貫而前城中矢石亂下賊轉攻城北士卒復力戰賊死傷甚衆遂引去繼閔以城守勞特遷宮苑使自元昊反繼閔招輯歸業者三千餘戶皇祐二年卒以其弟繼祖嗣州事繼祖字應之臨政二十餘年韓絳發河東兵城囉兀繼祖為先鋒深入敵帳降部落戶八百加解州防禦使宋史折德辰傳崔立字本之清河人咸平二年進士知耀州事耀民氣豪喜訟號難治

始至繫囚滿獄公為區別善惡勸阻明白境內以清代歸民走漆沮二水之次邀公呼曰吾之父母今焉往至羣卧灘石上使公馬不得前翌日繇間道乃得去安陽集

鼎字凝正益州華陽人太平興國八年進士甲科淳化中度支判官建議興三白渠遷江南轉運副使陟陝西咸平四年西鄙未寧建議陝西禁解池鹽所在官鬻詔從之以鼎為制置使景德初知鳳翔府鼎磊落尚氣有介節居官峻厲名稱甚茂宋史本傳

韓億字宗魏正定靈壽人舉進士知洋州有大校李甲以財豪於里誣其兄之子為他姓賂里嫗之貌類者使認之為己子又醉其嫂而嫁之盡奪其奩橐之富嫂姪訴於州甲賂獄吏嫂姪被笞反自伏受杖而去積十餘年洎億至又出訴公察其寃因取前後案牘視之皆未嘗引乳醫為証一日盡召其黨立庭下出乳醫示

之衆皆伏罪子母復歸如初錄韓縝字玉汝億仲子嘉祐五年

洋州有惠政洋人作襲美堂以表之洋縣志。按宋史韓縝本傳言縝酷暴與洋志類異

張中庸真宗時知洋州政事精明人號水晶燈籠舊志

許遜祥符間為興元守府有堰溉田萬頃世傳蕭何所為遜迺治之

石修之堰成歲大豐歐陽永叔為記其事馬志

趙積字表微宣城人知同州徙鳳翔京兆府宋史本傳積知鳳翔以事去

存心人不敢干以私萬姓統譜

宗誨字習之曹州冤句人為永興軍兵馬鈐轄又徙鄜延路兼知鄜

元昊寇延安劉平石元孫敗沒鈐轄黃德和遁還延州不納又去

鄜州宗誨曰軍奔將無所歸激之則為亂矣乃納之拘德和以

是時鄜城不完且無備傳言寇兵至人心不安宗誨乃嚴斥候

而禁出使老幼併力守禦之敵亦自引去領興州防禦使復

永興鈐轄兼知邠州以秘書監致仕宋史張齊賢傳

薛向字師正河中萬泉人為邠州司法參軍夏人叛秦中治城侍

史陳洎行邊向詣洎陳三弊言今板築暴興吏持斧四出伐木無

問井閭邱隴民不敢訴必不得已宜且葺邊城函關秦東塞今西

鄉設守是為棄關內乎三司貸龍門富人錢以百年全盛之天下

一方有警即稱貸於民非義也洎上其說悉從之邠守貪吝欲因

事為邪并治于城立表于市以撤屋冀得賂免向力爭罷之知鄜

州大水冒城郭沉室廬死者相枕郡卒戍延安詣主將求歸視弗

得皆亡奔至則家人無存者聚謀為盜民大恐向遣吏曉之曰冒

法以赴急人之常情不聽若輩歸此武將不知變之過也亟往收

溺尸賞汝擅還之罪衆泣謝一境乃安權陝西轉運副使制置解

鹽鹽足支十年而歲調畦夫數千向奏損其數兼提舉買馬監牧

沙苑養馬歲得駒三百而費錢四千萬占田千頃向請斥開田予民收租入以市之為陝西轉運使凡將漕八年所入鹽馬芻粟數萬民不益賦其課為最宋史本傳

劉謙字漢宗開封人知邠州鬪訟曲直皆區處當理前守者多強市民物以飾厨傳謙獨無所撓邠人愛之宋史本傳

劉湜字子正徐州彭城人知耀州富平有盜人子女既就擒陽死伺間逸去捕得復陽死守者以報湜趣焚其屍拜監察御史宋史本傳

司馬池字和中夏縣人知鳳翔有疑獄上讞大理輒復下掾屬惶懼池曰長吏者政事所係乃獨承其罪岐陽鎮巡檢夜飲富民家所部兵執之俾為文約不敢復督士卒而後釋其縛池捕首惡誅之巡檢坐廢入為侍御史知雜言陝西用兵無宿將劉平好自用必誤大事卒如其言隆平集

趙師民字周翰青州臨淄人舉進士第累除龍圖閣直學士知耀州

帝自寫詩寵行日以儒林舊德所民性慈恕勤於吏治政有惠愛嘗奏蠲陝西旱租宋史本傳州民有元鐵禁者師民曰奪其利而罪之

是罔民也一切或問馮志

盧士宏字子高新鄭人知洋州圭田多虛籍士宏考校令隨實以鈐自部使者而下皆十損七八文彥博包拯以廉能薦宋史本傳

魯有開字元翰參知政事宗道從子知金州有蠱獄當死者數十人有開曰欲殺人喪謀之足矣安得若是眾耶訊之則誣天方旱獄

白而兩宋史本傳

陳希亮字公弼青神人中進士第知鄆縣老吏曹腆侮法以希亮年少易之希亮視事首得其罪腆叩頭出血願自新希亮戒而捨之卒為善吏巫覡歲斂民財祭鬼謂之春齋否則有火災民訛言有

緋衣三老人行火希亮禁之民不敢犯火亦不作毀淫祠數百區
 勒巫為農者七十餘家及罷去父老送之出境泣曰公去我緋衣
 老人復出矣移知鳳翔倉粟支十二年主者以腐敗為憂歲饑希
 亮發十二萬石貸民有司懼為擅發希亮身任之是秋大熟以新
 易舊官民皆便于闔使者入朝縱其徒入市掠飲食民戶皆晝圍
 希亮聞之曰譯者教之也乃使教練使持符告譯者曰入吾境有
 秋毫不如法吾且斬若取軍令狀以還使者至羅拜庭下無一人

譯者遷太常少卿 宋史本傳

楊繪字元素綿竹人進士上第知興元府吏請攝穿窬盜庫廉者繪
 視踪跡不類人所出入呼戲沐猴者詰於庭一訊具伏府中服其

明在郡獄無繫囚 宋史本傳

李及字幼幾其先范陽人後徙鄭州舉進士擢知隴州初置提點

獄內出及與張綱二人名付中書明日以綱使河北及使陝西

遷一官還判三司磨勘司出知鳳翔府徙延州及資質清介所治

簡嚴喜慰薦下吏而樂道人之善 宋史本傳

李師中字誠之楚邱人舉進士鄜延龐籍辟知洛川縣民有罪妨其

農時者必遣歸令農隙自詣吏令當下者榜于民或招父老諭之

租稅皆先期而集民負官茶值十萬緡追繫甚眾師中為脫桎梏

語之曰公錢無不償之理寬與汝期可乎皆感泣聽命令鄉置一

價籍其名許日輸所負一錢以上輒投之書簿而去比歲終逋者

盡足官移諸鎮粟於邊已而反之盛冬大雪勞且費至賤售子兼

并家師中令過縣願輸者聽躬坐庾門執契以須數日得萬斛使

下其法於他縣常出鄉亭見戎人雜耕皆兵興時入中國人藉其

力往往結為婚姻久而不歸師中言若輩不可雜處言之經畧使

并索旁郡者徙居絕塞麗籍為樞密副使薦其才召對轉太子中

允知敷政縣權主管經畧司文字夏人以歲賜緩移邊曰願勿通

歲暮詔吏報許師中更牒曰如故事樞密院劾為擅改制書師中

曰所改者郡牒耳非制也朝廷是之薄其過遷直史館知鳳州

種諤取綏州師中言西夏方入貢叛狀未明恐彼得以藉口從

其釁端也廊延路規知西夏駐兵綏州據諸路當牽制師中疏

論牽制之害時諸將皆請行師中曰不出兵罪獨在帥非諸將憂

也既而此舉卒罷師中在官不責成罰務以信服人至明而恕去

之日民遮道擁泣馬不得行宋史

武勘嘉祐二年知鳳州州人盧曆以來夏人盜劫在野州走毛州莫

能禁勘建議嘉祐二年夏人由是河西五州之內賊不敢種舊

畢仲游雲中人士會鳳州但慮太平仲游先民之未幾揭喻

勸發廩凡民就食者十七萬九千口無一人去其鄉宋史

壽朋字延老豐縣人慶曆初進士歷知鳳翔府括蕪田三萬頃縱

民耕種擇其壯者使習兵司馬光薦其能江

聖珣字伯温河南知鳳州事鳳當川蜀之衝郵傳旁午毀譽易得為

守者相承務豐厨傳注吏多至破產公裁減幾半曰是足以為禮

未為薄也會漢中不稔饑民自褒斜山谷而出公教於路口為糜

粥以待之所濟甚眾伊川文集

文同字與可梓州人以文學知名歷知興元府漢中沃腴俗饒財同

先治庠序擇行藝之秀者掌之風諭境內遣子弟就學暇日躬閱

訓導于是向學者多有盜雜居闔閭同使捕詰之叩頭伏發其藏

皆穿窬所得也士民每出游常苦秦隴惡少從褒斜間道往來剽

竊吏不能禁同治之盜不敢犯城固民頑逋租不以時入人苦鄉
徭代輸破產同督勵之革其弊歷度支司封員外郎徙知洋州始
築郡城有惠政多題咏賈志

李興為耀州刺史有戰功詔賜玉兔鶴帶金器賈志

劉涇字巨濟簡州楊安人舉進士知咸陽縣遷知坊州宋史本傳涇有學

行專以仁厚為政土產龍鬚席涇惟常貢外不以奉權貴舊志

苗繼宣慶曆初知麟州事趙元昊圍城凡三十七日城中無井水竭
乃拍泥以塗藁積備火箭所射元昊望見塗積解圍去初被圍時
繼宣募得通引官王吉求援於外吉覓髮衣羽服挾弓矢賫糗糧
詐為羌人夜縋城而出遇賊問則以羌語答之兩晝夜得出賊寨
外詣府州告急府州遣兵救之吉復間道入城逮圍解詔除吉奉
職本州刺史舊志

折克行字導道繼閔子也夏人寇環慶種諤拒之使以兵三千護餉
道戰於葭蘆川先登斬級四百降戶千馬畜萬計擢知府州大酋
咩保吳良以萬騎來搆克行度賊未度監縱擊大破之師還自劾
釋不問王中正出塞克行先拔宥州每出必勝夏人畏之太原孫
覽議城葭蘆諸將議多不合召克行問策即頓兵吐渾河約勒部
伍為深入狀敵疑不敢動既訖役詔河東進築八砦通道鄜延延
帥遣秦希甫來共議克行請兩路并力以遠者為先希甫不可上
卒用克行策克行在邊三十年善拊士卒戰功最多羌人呼為折

家父

宋史折
德辰傳

种誼字壽翁世衡子知鄜州夏人犯延安趙禹使誼統諸將敵聞誼至

皆潰去延人謂得誼勝精兵二十萬宋史种
世衡傳

張守約字希參濮州人知邠州有惠愛可紀宋史
本傳

張居熙寧四年以崇儀副使知麟州州城井泉不足軍民汲於城外沙泉前郡守欲築城包之而土多沙礫不果居民鑿去舊土築之城成人以為便舊志

之邵字懿叔眉州山人知鳳翔府民負債無以償自焚其居而給曰遺火有主藏吏殺四婢人無知者之邵發摘岐人傳誦宋史本傳

晉卿字伯修密州安丘人以五經中第知同州奏課第一宋史本傳

彥通字貫之鄆州須城人神宗朝熙河用師吏相繼以不才免選

判永興軍事始至大軍已趨靈武諸郡皆督夫負糧從軍且受

使考陰諭指夫增負若干彥通曰已受數又重之是必壯者

也弱者踣即詣中軍言之初猶不從奪人乃定鄆州支使石蒼舒

取俸給積數千百緡使者屬彥通治蒼舒猶箠鼓自辨彥通不

為焉竟坐贖去自是邊益有聲累遷吉朝議大夫紹聖二年西郵

進築諸城而潼關控陝衝難守臣詔以彥通知華州事時鄆延修

城調七州保甲華在調中眾聳懼彥通召諸令以意慰遣且版示

眾曰旬浹之役近在邊隅不與頃歲入界同也眾乃趨命屬歲不

登米斗錢五百彥通括廩得數十萬斛平價踰半開門至府躬視

糴糶者踵入老幼癯寡皆得食所活以萬計民頌其惠事聞朝廷

詔使者閱實使者奏如民言即召對將顯用而疾卒集勅

張綸字公信穎州汝陰人正拜乾州刺史綸有材畧所至興利除害

宋史本傳

即字中道吳越王諸孫第進士辟鄆延幕府崇寧中為陝西轉運

判官王師復銀州轉餉最嚴宗召對願救邊臣先為不可勝以待

釁瀚海地皆烏鹵得之無所用帝然之除知延安府童貫宣撫陝

西時長安百物踴貴錢幣益輕貫欲力平之計司承望風旨取市

價率減什四違者重置于法民至罷市又行均糶法賤入民粟而高金帛估以賞下至募兵射士之授田者咸被抑配關內騷然即屢抗章極陳其害貶永州團練副使然糶害亦寢

宋史錢惟演傳

平驥字潛翁信之玉山人元符進士大觀中擢京兆府等路提舉常部本息乘時廣糶得米六十萬斛高宗初知同州兼沿河安撫使金將婁宿犯同州及韓城驥遣兵拒險擊之師失利金人乘勝徑至城下通判以下皆遁去驥曰所謂太守者守死而已翼日城陷

赴井死贈通議大夫樞密院學士諡威愍賜廟愍節

宋史本傳

徐徽言字彥猷衛之西安人靖康初知晉寧軍同知樞密院事聶昌出河東為金人所劫以便宜割河西三州隸西夏晉寧軍民大恐曰棄麟府豐晉寧豈能獨存徽言曰此使人矯詔耳遂率兵進取

三州金人益備克胡若吳堡津遣守領為九州都統與晉寧對壘徽言出奇兵襲逐之金人忌徽言欲速拔晉寧以除患建炎二年冬自蒲津涉河圍之徽言出兵縱擊遂斬婁宿孛董之子當是時環河東皆陷獨晉寧屹然孤墉橫當強敵與金人鏖河上大小數十戰所殺過當金進攻數敗不得志圍之益急城中水乏絕儲侍寢罄鎧仗空敝徽言得衆心哀折槩斷刃以死固守一夕裨校李位石斌陰約婁宿啟外郭納金兵徽言決戰鬥中格殺甚衆退嬰牙城以守金人攻之不已徽言置妻子室中積薪自焚仗劍坐堂上慷慨語將士我天子守土臣義不見讎敵手因拔佩刀自擬左右持之急金兵至挾徽言以去婁宿得徽言所親說徽言具冠鞞見金帥徽言斥去婁宿就見徽言慢罵不已金人知不可屈遂射殺之贈晉州觀察使諡忠壯再贈彰化軍節度使子岡同死事云

宋史 祁昂晉寧軍統制與徐徽言同被執賈志引刀欲自刺金人擁

至軍前不屈而死贈成忠郎團練使宋史徐徽言傳

王彥字子才上黨人張浚宣撫川陝奏為前軍統制浚欲大舉彥以

為不可曰陝西兵將上下之情未通若少不利則五路俱失不若

且固根本浚不然其言俄知金州時賊桑仲直擣金州白土關眾

號三十萬彥勒兵設伏以待賊見官軍少蟻附搏戰彥執幟一麾

士殊死鬪賊敗走紹興元年李忠反攻金州諸關關陷彥退屯秦

郊令將士盡伏山谷間焚秦郊積聚偽若遁者彥募敢死士易衣

幟設竒以待賊至官軍迎戰大敗之追襲至秦嶺遂復乾祐縣以

歸又有王闢董貴祁守中阻兵窺蜀小者猶數萬彥悉討平之三

年撒離喝入金州彥遣兵至漢陰縣與劉豫將周貴戰大敗之

金

隆紹興六年知商州理商號十年披荆榛招流散藩籬北鄙商

為金兵所掩旋即恢復會和議成割商界金常怏怏改知金州時

以兵出敵境秦檜恨之徙敘州馬志

義鳳翔天興人初補進武校尉權天興縣尉初吳玠檄從義領

兵進復鳳翔悉降其眾不戮一人得米二千餘斛軍不乏食士卒

感從遂檄從義知天興事紹興改元轉秉義郎遷副將初鳳翔有

流民數萬在境內或疑其反側悉拘於山谷間從義矜其無辜皆

縱之後岐雍大歉流民復入關就食從義納之所活甚眾又創營

田四十屯以減饋運軍食充足紹興五年辟知洋州兼管內安撫

司事尤以愛民為本州有楊填等八堰久廢不治從義皆葺之溉

田五千餘頃復稅五千餘石又增營田十四屯公私以濟後興隆

三年復知洋州兼職如故洋人聞其來相賀曰復為吾邦舊使君

矣老稚歡迎不絕於路後上疏請歸遂家于洋之崇道觀下封開

國侯城洋兩縣民立祠世祀祀名宦舊志

李師頌高宗朝守耀州金兵入境城陷率所部來歸棄其家屬時人

服其忠義馬志

震仲字華父成都府人登淳熙二年進士辟興元府通判權大安

軍吳曦叛素聞震仲名馳檄召之震仲辭疾不行時軍教授史次

秦亦被檄謀於震仲震仲曰大安自武興而來為西蜀第一州若

首從其招則諸郡風靡矣顧力不能拒義死之教授非城郭臣且

有母在未可死脫去為宜因屬次秦曰吾死以匹絹纏身歛以小

棺足矣曦遣興州都統司機宜郭鵬飛代震仲趣其行益急鵬飛

宴震仲終歛不見顏色歸舍然燭獨坐夜漏至三鼓呼左右索湯

比至震仲飲毒死矣次秦如其言歛而寘於蕭寺闔郡為之流涕

自震仲死蜀之義士感慨奮發始有協謀誅逆者明年曦伏誅蜀

帥安丙楊輔以聞贈朝奉大夫直寶謨閣吳獵宣諭西蜀為之請

廟與諡名其廟旌忠諡曰節毅宋史本傳史次秦眉山入及進士第吳

曦招次秦甚遽次秦遷延固遜郭鵬飛迫之行乃以石灰桐油塗

兩目末生附子傅之比至日益腫次秦母年高而賢聞次秦為曦

所招即命家人以疾篤馳報且曰恐病不足取信以訃聞可也曦

乃聽還曦誅蜀帥上其事改秩利路主管文字宋史楊震仲傳

和彥威守金州元兵入蜀遣守饒風關不攻而過彥威提兵五千從

金州箐口十八谷詣長安搗其虛及元兵自鳳州出彥威始由上

路歸後諸路殘破彥威守孤城堅壁立元兵數攻不下明年大隊

從谷中奄至百道攻城金州陷彥威死之舊志

金

名宦三

鄭彥文大定中刺北甌後移守乾州路當衝迎餞旁午加之諸邑租庸征賦公務鞅掌民紛訴謀吏鈐紙尾幾不勝聽彥文剖析決遣

咸得其宜作思政堂自撰記馬志

宗道本名八十上京司屬司人章宗即位除陝西路統軍使以鎮靜得軍民心特遷三階兼知京兆府事時夏旱俾長安令取太白湫水步迎于遠郊及城而雨是歲大稔人以為精意所感刊石紀之

金史本傳

抹撚盡忠天雄人太和中知乾州乾素名難治盡忠實禮賢能發摘奸伏吏民神明其政比年旱蝗飛蔽天境內禾稼未嘗少傷諸縣土賊作亂盡忠設鄉兵嚴關防高城壘澹池隍戰具繕完無不精

銳賊聞風解散武曩德政碑

完顏間山蓋州猛安人明昌二年進士貞祐二年知京兆府事克行

省參議官四年知鳳翔府事興定元年冬詔陝西行省伐宋間山

權元帥右都監參議諸軍事宋兵千餘人伏吳寨谷間山率騎兵

掩擊敗之追襲十五里殺三百餘獲牛羊以千計金史本傳

李芳字執剛大興人承安二年進士歷乾坊兩州刺史精於吏事累

以廉能進秩中州集

吉里甲石倫隆安人貞祐中知延安府兼廊延路兵馬都總管金史本傳

深沉有謀能得士心溫迪罕達傳

完顏仲元本姓郭氏中都人貞祐四年商州經畧使權元帥右都監

上書曰陝西一路最為重地潼關禁坑及商州諸隘俱當預備可

選精兵分地戍之其後乃置秦藍守禦元光元年知鳳翔府事鳳

翔被圍仲元身先士卒諭諸將士曰凡有奇功者即承制超擢及

危急乃輒注四品以下顏蓋蝦蟇力戰功最輒授通遠軍節度使

圍解奏請擅除拜之罪宣宗嘉其功皆許之金史本傳

慶山神木人守延州夏人自天會初與金議和八十餘年未嘗交兵及為元兵所攻求救於金金主新立不暇遣兵夏人遂侵葭州慶山擊敗之而去賈志

奚烈幹出仕至楨州刺史被行省牒徙州人于金勝堡邑而大兵至幹出拒戰中流矢病創卧花帽軍張提控言兵勢不可當宜速降幹出曰吾曹坐食官祿可忘國家恩乎但當力戰而死耳至夜張提控引數人持兵仗以入脅幹出使出降幹出曰聽汝所為吾終不屈也遂殺之執其妻子出降初楨州人遷金勝堡多不能至軍事判官王謹收遺散之衆別屯周安堡周安堡不繕完樓堞置軍將之具兵至謹拒戰十餘日內潰被執不屈而死詔幹出謹各官六階升職三等金史本傳按楨州今韓城縣金貞祐三年以韓城縣為楨州

亮類石往從太宗攻下鳳翔同州有功賜號八都兒佩銀符為同州

管民達魯花赤元史本傳

類普化甘木里人授乾州達魯花赤加意民瘼務用安靜凡獄辭情偽必參伍證信期於平允婚田訟牒紛紜普化決其宿滯者數十事温言詰驗皆見其情訟以衰息甘肅兵食告乏州當運米二斗斛以普化督治之邊用給而人不告勞至於崇學校禮賢能課農桑訓勤儉有古循吏風既去民為立去思碑賈志

民爭留之元史本傳

至正間為沔州守政治有聲興廢舉墜風俗不變境內肅然

民為立碑紀績賈志

亞哥為同州達魯花赤值久旱禱雨祝神曰得雨蕪民願以已女給
待左右兩果隨注霑足少霽報女暴死州民感其德遂以遺體塑

像於後殿至今尚存每歲本州享祭必有雨應馬志

果良惠鞏昌人至正末以總管守商州值紅巾亂令二子挈家一居

華州一居朝邑及城陷良惠死之商州志

孫浩以義兵屯葭州通秦寨遂兼知州事恤孤賑乏境內無憂他郡

人亦來歸附民為立政績碑于烏龍鎮馬志

洪武初知鳳翔府寬惠廉勤民皆仰慕祀名宦鳳翔府志

震洪武初為漢中知府開設府治招撫流民德及一郡人稱頌之

明一統志震江西鄱陽人洪武初以賢良徵擢漢中知府時歲歉盜起

震發倉儲十餘萬貸民俾秋熟還倉盜皆釋甲來歸即令占宅自

為保伍得數千家至秋大熟民懸還前粟上聞而嘉之後以事被

逮上曰震良吏釋之為牧民者勸廣輿記

胡惟俊洪武初知華州時兵燹後生理未復野多曠土官舍惟存廢

基惟俊招流亡給耕具又伐木陶瓦鑿石以建諸公署越二年華

民漸殷後徵大僕卿行無一錢賈志

高永安祀縣人洪武中知耀州創豐盈倉積粟至數萬石會饑發賑

百姓德之重修鼓樓建社學義倉及桑棗園民賴為業永樂初卒

官賈志

蔡祥洪武中知隴州清慎愛民州人稱頌祀名宦明一統志

衛岳字世瞻西平人以鄉舉入太學洪武三十五年知西安府內艱

去起補慶陽守居官約已惠民常祿外餽遺一無所取永樂十年

入覲以信事忤旨謫戍交趾慶陽西安二郡民詣闕請貫岳以終

其惠不報明史

對臺字尚載太湖人國子生洪武末知西安府有政績慈祥愷悌不施鞭朴有不善者但勸諭之人皆悅服肅王聞其賢特書霜月軒

府志

犯法者必不貸後以憂去州民赴關保留加叅議俸復知華州卒

於官

劉同許州人監生永樂中知邠州農政大舉賦稅無虧吏畏民懷聲

舉雖然方輿勝覽

何榮忻州人監生宣德末知邠州為政寬猛得宜方輿勝

便糾永豐人正統中刑部員外郎知延安府任滿軍民保留陞陝西

叅政仍知府事馬志

延安肅人宣德己酉舉人咸陽知縣興學勸農鋤強植善丁外艱

歸民不忍其去請於朝特旨起復及秩滿新尹來代民復請於朝

特旨加六品秩仍留之後二載陞延安知府九載秩滿軍民請留

晉三品秩畿輔志○按賈志王瑾由虜施令陞延安守與畿輔志稍異

或碑字大呂臨海人舉人景泰初守同州志趣高潔才華穎敏政

清潭洽增設學舍至百八十楹嘗勒居官箴於石人以此甘棠云

志

在盤太原人以御史左遷膚施令歷知延安府為政寬和民皆德之

上言乞勅撫按分巡等官以時行邊從之延安府志

諭永寧人天順中知延安府修延利渠築城垣徙府學設延豐倉

數十書隨都御史余子俊築東西二路邊城又嘗教民樹藝紡績

有治行延安府志

侯贊 臨人進士成化初知鳳翔府百度具舉陞山西參政祀名宦

鳳翔志

許堪 宛州人舉人成化初知乾州令行禁止道不拾遺有德政碑

馬志

鄧直 息縣人成化七年知耀州質直任事與民吏相親愛開漆水退

難二渠修故通城渠人咸利焉九年百姓奏留詔加四品服俸又

三年致仕去時預備倉米穀積至十餘萬石

賈志

張本 濟潛江人進士成化中知鳳翔府公正清謹百度咸舉士民歌

頌祀名宦 鳳翔府志

陳俊 字季新 沁人舉人成化中知隴州潔已愛民去任民思慕之

祀名宦 隴州志

鄭福 深州人成化十三年知金州修學課士築堤修闕驅虎患疏河

其績最將去百姓奏留之增秩叅議復任三年民為立祠

興安州志

子淑 內江人成化間以進士知金州平易近情正婚葬均徭

民禮讓風俗丕變

興安州志

孫昌 榆次人成化中知高州時初改州城官署壇壝皆昌勅立蒞任

最久惠愛及民一時良吏以昌稱首陞從四品俸去任之日民立

碑頌德 馬志

伍性 榮縣人進士成化十五年知華州才識明達政先大體遇事迎

刃立決不逾月州治肅然歲饑賑卹活民州人賴之

賈志

陳仲 秩巴縣人成化進士知華州蒞政精明專以德治杖人止示辱

而已太夫人有賢德每臨政輒聽於屏後決事失平即擊屏以警

之故尤多仁恕云

賈志

劉濟 郊縣人舉人成化間知乾州興利除害以教化為首務而躬行

先之未一月法制備具人心大悅關中饑甚民率逋濟獨止乾

民計口廩支倉儲弗繼則益以官帑多方措置民賴以活驛使往來恃威鞭撻濟嚴立程法傳無滯客王璽撰碑記

梁萬鍾字天賜溫江人進士成化末知同州才具機敏勤於民事時關中饑萬鍾發倉賑貸又勸富民輸粟煮粥多所濟活賈志

崔陞安陽人孝宗即位知延安府立規畫節浮費省遊宴清疆場覆徵稅平徭役鋤強橫招流移墾荒實廩見宜川知縣馬鞍價值百

金按之獲其貪狀遂黜之延人杜文祥笑陞貧陞知而不問有發其殺人事者罪不至死陞亦生之君子稱其似韓稚圭在郡七年

擢四川叅政馬志

嚴永濬字宗哲華容人弘治中知西安府時遣中官造文廟百姓苦之永濬因旱災上疏切諫不納賈志弘治八年任西安知府剛明峻

直制行端方下車首詢民瘼修舉文物吏民畏服雍大記

李延壽新城人御史調延安府廉明仁恕百姓流移者衆乃作

詩六章使人下縣歌詠百姓相踵歸業遠近歌曰太守李君政通神明欲雨得雨欲晴得晴嘗課教耕織建學正俗士民仰賴陞河

南右叅政賈志

王彥奇雲陽人知延安府清白剛方弘治末官軍駐兵於郡多求索擾彥奇嚴禁之民賴以安歲大荒出預備倉粟十萬石并庫銀三

萬餘兩賑救之奏免其稅全活者甚衆又興學校作人材正風俗廣儲蓄釋冤滯恤孤獨建橋梁治水患通商賈弭盜賊文章政事

名盛一時陞叅政延民保留仍知府事馬志

伍箕安福人弘治進士知華州清恕愛民幾于刑措及審戶役民感其寬更委編審商洛官至苑馬寺卿賈志

劉錦蠡縣人弘治中舉人華州知州屬商山多虎患錦授民捕擒之

法屢獲虎民賴以安山東盜起將逼潼關錦以武畧巡守盜聞之

不敢近關華州志

田天澤應州人正德初知耀州會武宗幸榆中自撫按三司太監皆

馳往榆中天澤諸供應甚簡太監索重賄亦不與或令備供頓所

需澤度駕必不至弗厚為備百姓得無科擾賈志

楊一鈞隣水人進士正德中以戶部郎中知漢中府時蜀盜大依兵

行漢中軍餉日以萬計征斂無時民皆惶懼一鈞從容經畫饋給

常裕民不知困役不知勞搏節愛養民賴以安賈志

陳孜寧國人正德間知寧羗州賊攻城孜盡力堅守遂獲全賈志

謝牙蒲州人舉人正德中知寧羗州時藍鄙之亂甫平牙愛養拊循

作士勸農鋤強扶弱為一時循良之冠漢中府志

桑溥濮州人進士知華州勸善懲惡民翕然不變城北積水萬頃

相視開惠民渠州及華陰之民俱其利華州志

賈明武鄉人進士知鳳翔府存心民鳳翔志勤於撫字士民建祠祀之

府志

劉涇字叔清懷慶衛人進士守鳳翔屬邑以羨金三千進公笑曰世

豈有受羨金劉次山哉懷慶府志以外艱去

趙時樞為人舉人知耀州以才堪治劇改乾州嘉靖初州民樊紳作

亂先期以妖術惑眾多與符授偽官眾從之期某夕舉火城內諸

妖為內應復召四方賊黨俾各起兵如漢張角故事至夕有人白

於時時即登城為禦妖黨皆環侍左右將試刃於時紳尚未至時

應之從容無懼色姑給其眾使外禦明日搜得佩偽符官數人斬

之頃紳眾至門時令投偽官屍城下紳乃退走至鳳縣為人所擒

隄右關南悉平馬志

李暹滑縣人嘉靖初知隴州政事精明廣儲倉粟增修公館歲大饑
活者甚衆馬志

趙鯤字南壽張人嘉靖己丑進士知漢中府大盜胡海珠依山險
為寇父子相繼四十餘年鯤下車即選練民兵躬率捕緝境內悉

平賈志

劉啟東字伯陽羅山人舉鄉試第一嘉靖八年以能治劇調知同州
在官清勤百務畢具前學舍傾圮諸生多散啟東激勸義民新之
生徒復聚簿書之暇輒身往督勵爭務博洽精詣之學擢西安同

知同州志

葉修南昌人進士嘉靖中知漢中府博學清操愛民好士修城不擾
課業有程賈志

何尚德猗氏人嘉靖中以舉人知興安歷四載清廉如一日省刑薄

歛開渠築堤歲積穀千石備賑餘贖鍰七百兩盡登報焉興安州志

蕭廷傑字元功瀘州人嘉靖間進士知商州約已裕民初任即申革
夫支小支廩給以甦里甲兩院通行各道裁革興學造士以和介

稱商州志

邵炯安州人舉人知商州嚴於馭下以禮待士調礦有法徵收得體
移建名宦鄉賢二祠擢陞同知士民祀之賈志

梁思字子承巴陵人進士嘉靖中知同州同故無郵使者多迂道至
民苦供億思禁弗應嗣後遂絕諸臺有徵於州者輒以不便民白
免至逢怒弗改也居四載陞西安郡丞賈志

閻仲字字定夫代州人舉人任同州知州下車剔弊舉廢數月而治
巨盜劉漢聚眾肆掠悉疏捕置法民喜形於謠去之日行李蕭然

賈志

楊綵字質甫京衛人進士嘉靖中知華州年少美風儀初至吏民皆
 易之至決政事如老吏與士大夫交以道義接有請託者即絕之
 乙卯地震時綵丁內艱民蜂起掠食綵下令開諭復勸借富家粟
 以賑窮乏民無敢犯令者後遷刑部員外賈志

朱茹字以彙瀘州人嘉靖間進士知華州時地震後部議須才者安
 撫災傷茹至接下甚謙蒞政甚嚴建華山書院以教士修治沙河

尤為郡要陞工部員外郎華州志

陳應鄰字仁甫京衛人嘉靖進士知華州至誠惻怛實心教養省歲
 一役費不擾里甲緩於催科民應之反過於督罰者以操守正大能

服人心陞工部員外華州志

許際可固始人舉人由戶部主事遷知華州清操自矢一塵不染實
 一心愛民摘奸如神接遇士大夫以易謙冲而履正守法人皆欽服

賈志

高崇字企之壽張人舉人嘉靖間知華州才猷練達政事無巨細必
 按法以行或有挾奸行欺者每善察其情偽以輕重置之法時稱

嚴正賈志

甘為霖富順人進士嘉靖間知華州蒞政平恕獄無繫囚政多清暇
 觴詠賦詩以內召去賈志

李廷寶曲沃人嘉靖中知耀州會年饑地震廷寶一切與民休息裁
 省供應里甲便之性閑大能容舉事務長厚不近名即有犯者輒

不與校以是士民益相親耀州志

蘇璜堂邑人舉人嘉靖末知鄜州繁劇立辦公庭肅然奸胥豪右悉
 伏匿不敢動學宮敝隘修理易置仕至湖廣按察司僉事鄜州志

陳煇字光宇諸城人進士隆慶中以工部郎左遷知同州清操特立

識斷英敏常乘挽車循行田野境內震栗劉官營大盜盤據累歲

莫敢誰何燭出不意提兵剿擒之居數月復擢南刑部郎中賈志

丁有周字克宗武陵人隆慶舉人以國子助教出知同州才雋機警

持政廉平往例新生入庠醵金饗使君周曰吾送子弟就師而為

我治具不倒施耶自攜樽觴博士三爵而別三年論最擢戶部員

外郎賈志

曹璜字伯玉益都人知西安府府事蝟集游亦有餘教民以孝弟力

田士習民俗翕然不變遷湖廣提學賈志

還有猷字克壯封邱人萬曆甲戌進士補西安守西安合屬所上賦

金以鉅萬計例有耗羨克公費有猷手自登記悉佐公帑絲毫無

所與會劉時叛郡報洶洶或勸有猷宜亟歸其孥有猷曰吾家人

動城中人俱動矣乃厲氣巡城妻劉氏立宅內井傍亦慷慨誓死

賊平以憂去封邱志

馬呈秀字君實江都人萬曆甲辰進士知延安賊入境親督兵捕擊

擒其渠魁招復流民萬戶墾荒田數萬畝卒祀名宦江南通志

王在臺字肇區文水人萬曆癸丑進士以戶部郎中出守漢中政先

教化一遵文翁之治時瑞藩監尉多奪民田在臺力禁之又勦滅

常板子等賊後陞任去攀轅者以萬計賈志

鄒嘉生號靜長武進人萬曆丙辰進士知西安府德澤旁洽比歲有

登甲子夏雨少愆期嘉生齋禱甫一日密雲沱雨遠近沾足民咸

而異之生員蔡國禎家有崇兄嫂妻女相繼病死蔡計無所出奔

府控之嘉生毅然曰何物么麼敢作厲乎齋三日躬詣城隍神前

力請誅邪是夜蔡生家夢一朱衣神控騎儼臨若鞠罪狀自是崇

息祝萬齡撰 異政碑記

沈自彰字芳揚大興人萬曆中進士知鳳翔府持已以廉化民以德
親行阡陌舉賢與利好讀書講學與鄉先生張雞山訪問講論不
輟歲旱步禱大雨立霑陞太常少卿罷官負甚授徒自給鳳翔志
廉公車至京謁見日午不舉火覘之方使人鬻衣取酒食治客

室中一無所有 賈志

崔應科登封人進士知漢中府修堰濬渠築城葺廟鼓舞文士尤多

成立 賈志

潘文太原人萬曆中知漢中府才幹明敏案無塵積斷獄片言立決
每月朔日與諸士講程朱業名流多出其門礦賊俞士乾聚眾數
千肆為吞噬文設策招安令充牙兵未一載殺人如故文以計擒
之一日殲焉漢始獲安 賈志 程三樂重慶人舉人萬曆間知城固
郡伯潘文合招礦徒俞士乾等旋就擒斬人咸稱其謀畫 漢中志

曹景暘字子升應天人都察院都事阿子也嘉靖乙卯舉鄉薦少宰

魏公學曾金州人也為州求良牧得之喜久之有間景暘於少宰
者少宰曰曹君廉而不劇寬而有制先教化後刑罰政立而民懷

之殆古循吏乎轉西安丞以病歸 江南通志

張極寧晉人舉人萬曆中知商州才猷敏健法令嚴明修廢舉墜葺
書院築文屏山筆峰皆其力 賈志

王以孚達州人知商州子民禮士政令寬平捐俸以易學租後以其
資築龍山塔移雲路浚泮池宮墻一新 商州志

龔錚澧州人舉人萬曆中知商州愛民禮士改收頭支使議紙戶召
募裁舖司兵銀蠲免逃亡尤甦民困 賈志

羅文俊長治人舉人知同州無苛政歲省徭賦九百金 賈志

高登明字公野翼城人萬曆舉人知同州明習吏事持法平允不設

什排不遣一隸而賦完訟清民皆樂業有壞妊婦胎脇所佚者登
明曰澆風不可長也下令禁諭俗為之易徭賦有可節者為裁七
百餘金三年陞保定府同知同州志

鄭璧字子良內江人萬曆進士以憲僉左遷知同州約已愛民下車
盡罷一切私徵剔奸蠹病民者歲省數千金時議行條鞭璧奏
記極言不便而尤不便於同謂同民貧且力農利用布粟不便輸
金也遂不果行後數年其言果驗民感服三年以察廉內陟同州志
白鉉寶豐人由貢生知鄜州廉明多所建樹不便於民者力請於上
官去之歲入羨餘悉充公用延安府志

王標字的明太原人天啟六年由舉人為華州牧有能吏聲發姦摘
伏吏胥莫敢犯法催科不煩督責輸納恐後晉鞏昌府貳尹華州志
胡爾純山東費縣人隴州知州崇禎八年流寇攻隴爾純竭力固守

吏目王錫交以城降爾純不屈自縊死贈光祿卿舊志

林文蔚掖縣人以舉人知漢中府當大兵四集供應芻糈咄嗟立辦
更除巨蠹為郡害者境內一清漢中府志

周應泰湖廣人歲貢崇禎間知寧羗州時巨寇陷城以匿印言賊遇
害吏部尚書李長庚奏請賜葬漢中府志

鄧承籓號覺斯桂林人崇禎十年由舉人為華州牧治甚有聲嘗因
寇變冬月煮粥以饘守者又因大旱民灌溉種植承籓巡行載數
百萬緡勞民之力田而勤者庚辰飢饉頻仍承籓發倉賑救又諭
富者以推食之義全活甚眾尋擢臨江府同知華州志

唐時明字爾極固始人舉人崇禎末知鳳翔府癸未冬李自成既敗
孫傅庭遂破潼關圍長安三日克之全陝大震所至州縣望風響
應獨時明繕城濬隍設櫓盾為戰守具值東征敗卒過郡大掠而

西民遂無固志未幾自成僭號傳檄至時明慨然曰吾孤城新踪於兵戰具一空安能挫方張之敵惟有一死報天子耳遂自縊死

賈志

周文煒江南人崇禎癸未署商篆多惠政時奉上檄派徵民運銀二千八百兩煒憐商叠罹兵火極力申銷之州人尸祝及十月李自成破商州被執不屈厲聲大罵賊割其舌煒怒目喫血喉中猶作罵賊狀賊以鐵鋤煨赤納其口磔其屍一子亦被執見父屍痛哭憤詈賊亦殺之

商州志

韓東明安肅縣舉人知邠州城陷從容著衣冠望闕拜畢辭家廟赴井死

畿輔志

孫愈賢河南滎澤人由貢士知鄜州為人剛斷杜絕干請不畏強禦一時豪右斂跡客兵數萬來屯城中八日強取民禾飼馬愈賢悉

治以法鄜人獲安

鄜州志

按漢宣帝云與我共此民者其性良二千石乎牧守一官自昔惟重其宦蹟顯著者既列傳如右而舊志所採美不勝書如唐新平郡守韓盛失其籍扶風郡守房瑄河南人興元府尹許尹興州刺史鄭公達沔州刺史劉遂清俱失其籍宋知商州韓孝先知邠州龍鐳知麟州訾虎俱失其籍元知商州盧信李益王珪俱失其籍知耀州木八刺沙回紇人知隴州汪福安失其籍明西安守趙祐長垣人曹恩德州人袁一鳳宜春人陳之龍宜春人陳其赤崇仁人延安守趙楫濟寧人栗登巴縣人李涵遷安人洪濟遠江陵人党馨益都人王國瑚猗氏人許明世杞縣人李含樸房山人鳳翔守扈暹元氏人仇益汾西人成文山西山陰人紀繡利津人熊應元南昌人漢中守郭欽金鄉人曹子

徽公安人張芊四川人張欽通州人李暘正定人由禮門杞縣人李有實黃縣人項思教臨海人李景登遼東人李日儼安邑人馮上賓獲嘉人知商州溫和王敏郭綸俱失其籍李騰芳長沙人鄧琦洛陽人楊純巴陵人劉承學壽光人陳潞來安人李石嶺澧州人蔡應齊定興人楊儒曾江西興國人知同州楊景行鄱陽人齊整代州人秦銘南陵人安亨臨汾人李旻益都人張真信陽人李洪新河人郭顯和泰和人李際春安陽人知華州楊勝賢閩中人郭鉉濟寧人知耀州魏必與鳳陽人任奎鹽山人李文熙石首人知乾州馬漢臣洛陽人賈麟翼城人張才山東人何節萬安人安珂邢臺人王鳳阜城人王鯨祥符人晏子綸茂州人秦志臨汾人杜槃臨縣人陳維清源人李維祐徐州人賈光大杞縣人王楫膠州人梁弘化內江人知邠州廖

裴新喻人毛鵬霄西平人蔣璿四川人柳榮汾州人王文潞州人高慶陵縣人劉濟趙州人張鐸永清人徐經武清人萬化太原人劉昇萊陽人金汝聲南直人馮迪南直山陽人周寧睢州人劉濬鹽山人孫侃平定州人杜蕙任邱人知綏德仇敬曲沃人靳東齊順義人王大節大名韓文卿襄陽人張鸞騰驤衛人張鱗壽陽人盧友竹三河人知葭州賈熙載直隸人吳養治安邑人秦丹高郵人鄭廷英南川人知隴州劉璋媯州人劉玘失其籍譚溥銅梁人張琦失其籍吳璽保寧守禦所人文應麟廣西興安人知寧羗州張簡弋陽人梁成巴縣人王儒澤州人萬世讓巴陵人李應元雅州人王一鳴齊東人鍾湛靈澤州人熊嶽秀河南人甯笏河內人錄其官守以示靡遺

本朝

陝西通志 卷五十二
曲良貴棗強貢生知興安順治二年流寇陷城殉難時同殉者有
州判侯嘉引失其籍

宋從心杞縣舉人順治五年知延安府六年王永強據榆林檄至
延安從心與守備萬廷貴集眾誓死守因共碎其檄永強兵至
大怒籍其家執從心至城隍廟不屈遂遇害廷貴死於獄妻某
氏亦罵賊而死

李芳澂永年人由選貢任漢中府通判賀珍寇漢中關南道胡全
才誓眾固守芳澂佐理兵餉軍儲充裕寇退擢知鄜州值王永
強變起州民奔竄一空暨賊至芳澂密遣人齎蠟書赴省請救
為賊邏者所得賊怒急攻之城破不屈而死

王廷用奉天人順治二年任華州知州剛斷明決為民興利除弊
時寇亂甫定差糧煩苦廷用申請臺司計闔州糧石每里十甲
均輸差糧勞佚無偏

薛所習孟縣人順治五年由選貢知商州兵燹後悍僕多凌其主
所習隨事痛懲之名分始肅明季加派三餉因循未遑議改所
習詳請豁免商民建祠祀之

秦宗堯奉天義州人順治六年知華州甫下車興新文廟以作士
風山右姜瓖之變華當東西孔道宗堯悉力支應轉輸不擾山
寇盤踞西南原石脆山出沒無常宗堯率民兵直搗賊窟盡殲
之死事者十有一人州境以寧會

內召天下賢守令十六人各賜衣一襲宗堯與焉

劉正任邱人恩貢初授代州知州順治九年改商州商自明季為
盜藪正一意招徠與民休息倡修龍駒寨通商惠工設戍防守
由是農桑大興盜賊屏跡又創五經社講學課文科名鵠起如

周蒲壁盧運熙皆社中翹楚也蒞商三載商洛道許宸好操切與舉人某構釁欲中以危法正不從仍大書署齋壁曰殺人媚人吾何心哉或告許許怒遂拂衣歸

胡有德奉天鐵嶺人由明經歷知華州為政慈惠明決順治甲午大旱累禱弗應具文城隍神深自刻責須臾風雨驟至秋禾有成嘗憫所屬寒士歲給穀至數百石華人至今思之

李文盛奉天人知華州仁慈廉潔順治丙申大水河堤潰決淹沒民田數萬頃文盛冒雨防護晝夜修築累旬不返濱河居民至今戴德勿衰嘗相度河身高下欲別開渠達渭以免水患後為官寢其事

王章錦州人為興安州牧方蒞任軍興旁午鎮臣重派民間出糶牧馬州民大困章請於臺司立禁之州故無校士館士苦章為捐俸建造茅麓山積為盜藪十七年會兵進勦軍需藥至章咄嗟立辦又協餉鄖陽鄖撫檄州人起運章曰吾知秦餉不知楚餉卒不應

馬雲階奉天鑲藍旗人康熙元年知邠州歷有惠政戊申己酉間邠大荒雲階百方安集不致失所

馮昌奕蒲州人進士擢華州知州下車即繕葺文廟改考院規制大興學校文風丕變麗譙樓櫺次第脩飭華屬舊苦里差及徵收耗羨詞訟株連各弊昌奕至悉禁除之值編審昌奕核實申請丁糧一清華民輸賦故無花名赤曆昌奕詳請更造以杜中飽小華山為一郡之鎮萬曆中鑿峰建廟形家謂不利於華昌奕親陟山顛相址鳩工伐石砌臺然後形勢復完

于翔漢奉天正白旗人監生康熙十三年任隴州知州先是吳逆

賊將蔡元攻隴前牧翁世庸被執城陷未幾貝勒王率兵克復賊西遁復遶踞關山頂塞路守險總督哈占等率兵屯咸宜關相持不下翔漢供億彌年士馬無譁人民安堵考績擢鳳翔知府休養瘡痍多方調護軍民倚重

楊佐國荊門州人由進士授咸寧令康熙十四年報最擢知商州甫蒞任逆寇圍城中震恐佐國率士民死守賊投以偽劄佐國登陴罵賊焚劄衆心益奮越七日大兵至圍始解奸民張名貴陰通賊愚民多脅從佐國力請於制府寘名貴於法餘得釋民尸祝之

滕天綬奉天遼陽人廕生康熙二十五年任漢中知府天綬諳練精敏雅意修復首壇廟次樓櫓次倉廩又次學舍吏宇整飭一新漢南自蕭相居守後水利素饒愚民爭利致多聚訟天綬親

歷南褒城洋諸邑相視地形築堤建閘且勸禁鑄石俾故隄有期蓄洩有界自是爭端永杜漢中洊經兵火自前守焉建逆後郡志未脩若三十餘年天綬設館纂修分篇彙句成新志二十四卷最稱詳盡建道武進人進士順治十三年任漢中知府能以文學佐吏治

張彥璘徐州人貢監康熙二十九年任隴州知州中革陋規不三強禦四十一年因轉運西餉郡邑疲於奔命璘力請協濟置其疾苦獨甦陞平涼司馬民立坊以誌愛焉

朱琦字又韓婁縣人康熙四十五年任鳳翔知府政無巨細皆手自裁決郡民雷學義坐死罪繫獄琦廉其寃狀白免之岐民金六女父斃命已半載不得其主名琦偵得之俱伏辜實民張進忠妻李氏以誤傷鄰婦命借女坐大辟琦為減等每聽訟辨訴

盈庭片言立判其餘嚴保甲勸農桑禁私派減市廛徭役免冊
地科差俱得請以次舉行後因罣誤去官士民立祠祀之
渭鼎武昌縣人由舉人擢寧羗知州州境有虎患渭與至遂阻
益歲旱禱雨輒應又捐俸脩南棧諸險後攝沔篆而卒

